

MAHAFANTATRA NY ANDRONAREO SY NY HAFANY



Manao ahoana, ry sakaiza. Ndao isika hijanona hitsangana vetivety fotosiny.

Andriamanitra malala, satria izahay, ao amin'ity fikoropahana sy tositosiky ny fainana ity, dia miato kely ho an'ireo fotoana vitsy manaraka na ora, na mety ho inona ilay izy, izay Nomaninao ho anay, mba hanome ny dera sy ny voninahitra ho Anao, hitory ny Teninao, hahafantatra Anao tsaratsara kokoa, dia izany no antony ivorianay izao maraina izao. Misaotra Anao izahay, Andriamanitra, satria dia misy ireo olona izay efa vonona sy nanomana ny tenany ho tonga hihaino. Na eo aza ireo toe-javatra sy ny fotoana, sy izay iainanay, dia mbola mino foana izy ireo. Ary misaotra Anao izahay ny amin'izy ireo.

² Andriamanitra, mankasitraka Anao izahay noho ny Herinao lehibe manasitrana, ireo teny fikasan'ny Teninao. Toy ny ahoana no firehetan'ny fonay rehefa mandre an'ireo fijoroana vavolombelona izahay! Ireo karazana fahorianana rehetra izay nentina teo amin'ny zanak'olona! Ianao, sy ny Fahasoavanao ary ny herinao, ary miaraka amin'ny Fampanantenanao, no nanasitrana azy ireny. Ary eto izy ireo, mijoro vavolombelona, manome ny dera ho an'Andriamanitra. Misaotra Anao izahay ny amin'izany.

Ary ankehitriny enga anie izahay, androany, handre ny Hafatra izay efa Nomaninao ho anay ho an'ity ora ity. Raha mamaky ao amin'ny Teninao izahay, dia enga anie Ianao hanome anay ny lohahevitra an'izay vakianay. Aoka ny Sitraponao no hatao ao amin'ny zavatra rehetra, fa mangataka an'izany amin'ny Anaran'i Jesosy izahay. Amena.

Afaka mipetraka ianareo.

³ Tombontsoa iray ny tonga eto izao maraina izao. Tena faly aho ny aminareo rehetra. Ary Rahalahy Woods, Rahalahy Roy Roberson, rahalahy maro hafa, dia niasa am-pahatokiana tamin'ireo andro roa farany, mba hampisy rivotra an'ity tranobe ity ho an'izao tanjona izao, satria tamin'ny Alahady lasa dia hitan'izy ireo hoe toy ny ahoana no niaretanareo. Ary nanana vola kely izy ireo tao amin'ny tahirim-piagongana, ka nandeha niasa ary nanao an'izany handeha mba hanao anareo hahazo aina, niaraka tamin'ny vola izay napetrakareo tao amin'ny rakitra, ho an'izay hahafahanareo hipetraka, mihaino ny Hafatra. Mangatsiatsiaka kokoa androany noho ny tamin'izany

fotoana izany. Noho izany dia mankasitraka an'Andriamanitra isika, ary ianareo vahoaka, ho an'ity fanararaotra ity.

⁴ Faly... Rahalahy Roy Borders, te-hipetraka kely ery aoriana ery izy izao maraina izao. Ary niteny taminy aho mba haka ny sezany ka hipetraka eto miaraka amin'ireto mpitoriteny ireto, saingy tsy te-hanao an'izany izy. Araka ny fantatrareo rehetra, dia Rahalahy Borders no misolo tena anay any amin'ny saha. Tena faly manana an-dRahalahy Borders ato, sy ireo mpitoriteny maro hafa ary ireo sakaiza.

⁵ Nandritry ny herinandro aho—aho dia nanomboka nieritreritra, ka nanao hoe, "Rehefa tonga any aho, ny Alahady, dia hiarahaba ny mpitoriteny rehetra aho, ny olona rehetra." Avy eo rehefa tonga eto ianareo, dia tena tafiditra loatra ao amin'ilay Hafatra ianareo hany ka adinonareo fotsiny ny zavatra rehetra, saiky, ny amin'ilay izy.

⁶ Ankehitriny dia tsy maintsy miverina any Arizona aho. Tsy maintsy miverina aho amin'ny Alatsinainy manaraka, herinandro iray, hiverina any Tucson, mba hitondra an'ireo ankizy ho an'ny fianarana. Ary hiverina aho avy eo aorian'izany. Ary ny vadiko dia tsy maintsy tonga aloha any, mba hanomboka an'ilay... mba hanoratra an'ireo ankizy, roa herinandro mialohan'ny hanombohan'ny fianarana. Ary izaho, avy eo, dia hiverina vetivety eto.

⁷ Ary ankehitriny dia izao no fotoan'ny fakan-drivotro. Araka ny fantatrareo, dia efa nitory teny aho nanomboka Desambra; Janoary, Febroary, Martsa, Aprily, Mey, Jona, ary Jolay. Ankehitriny, raha sitrapon'Andriamanitra, ka tsy misy antso manokana, dia izao no vanim-potoana izay izaho—izaho—izaho dia haka ny fialan-tsasatro, ny fakan-drivotro. Handeha hihaza aho. Ary izaho...

⁸ Ankehitriny raha hiantso ahy ho amin'ny zavatra hafa ny Tompo, dia tsy ao anatin'ilay sary ireo zavatra ireo. Andriamanitra dia voalohany foana. Ary tiako ho voalohany Izy, ary tianareo ho voalohany Izy. Fa arak'izany raha tsy misy antso iray, ary ho ny Sitrapony anie izany, dia izany no tsy maintsy ataoko ankehitriny ho an'ireo volana vitsy manaraka, dia ny handeha hihaza ankehitriny, hampiala sasatra ny tenako. Izaho...

⁹ Ianareo tsy mahatsapa, izao tontolo izao tsy hahafantatra mihitsy, an'izay tsy maintsy hiaretako. Hitanareo? Ary tena fisintonana iray mihitsy izany. Tsy mahagaga ny Tompo raha niteny tamin'ireo Mpianany, rehefa nandeha niaraka tamin'izy ireo Izy hoe, "Mandehana mihataka any an-tany efitra, miala sasatra vetivety." Hitanareo? Miha-mahatsapa an'izany aho, isan'andro, ary indrindra fa miha-mitombo ireo androko eto an-tany, hitanareo. Arakaraky ny maha-antitra ahy, dia tsapanareo izany. Ianareo dia mandre ny pasiterantsika manao "amena"

amin'izany, ihany koa. Izy, izahay, dia afaka mahatsapa fa tsy zazalahy intsony izahay rehefa nihoatra ny dimampolo taona. Ankehitriny dia mila manana fotoana kely izahay.

¹⁰ Tena mankasitraka an'ireo fijoroana vavolombelona izay vao avy rentsika isika. Ny vadiko dia tany amin-dry Rtoa. Wood, omaly, rehefa tonga avy any Alabama ireo olona, tany ho any tao, ary niresaka mikasika an'ireo zavatra lehibe izay nataon'ny Tompo tao amin'ilay favoriana, ny amin'ireo ankizy madinika izay sitrana, sy ireo zavatra samihafa. Ary zavatra maro izay, oadray, hila fotoana lava mihitsy izany mba—mba hahavitana miresaka an'izany.

¹¹ Avy eo dia tokony hahatsiaro koa aho fa... Mino aho fa ny sasany amin'izy ireo no niteny tamiko fa efa roa Alahady no teto Ranabavy Larson miaraka amin'ny zaza kely iray. Tsy fantatro, fa mino aho fa izy ireo no nilaza fa ny zafikelyn izany, angamba, ho an'ny fanolorana, nitondra azy avy tany Chicago. Tena tsara fanahy tamintsika ilay ramatoa, ary mankasitraka azy isika. Ary nitondra zaza kely iray avy tany Chicago izy, ho an'ny fanolorana. Ary, nanana fotoana sarotra kely izy mba hitondrana azy, neveriko, ho an'ny fanolorana, saingy liana ny haha-voatolotra an'io zaza io ho an'ny Tompo izy. Noho izany raha sitrak'i Ranabavy Larson, raha mbola miteny aho, raha hitondra fotsiny an'io zazakely io hiakatra izy ho an'izao fotoam-panolorana izao.

¹² Ary amin'izay fotoana izay, angamba, raha miomana izy, izaho—izaho dia te-hilaza fa ity no Hafatra sarotra indrindra izay hany niezahako nomanina, hatramin'ny omaly hariva. Nandritry ny herinandro, dia niditra tao an'efitra aho, mba hiezaka ny hifototra tsara taorian'ireo antsoko sy ny sisa, mba—mba hiezaka ny hametraka zavatra tao an-tsaiko ho an'ilay ora. Ary rehefa nandeha aho, izaho—izaho dia tsy afaka mihitsy aza... Foana ny saiko. Ary, omaly, dia nandeha tao ambany rihana aho. Nihevitra aho fa nafana loatra ny andro, noho izany dia nandeha nidina tao ambany rihana aho, nipetraka tao. Ary niezaka naka ny Baiboliko aho ary namaky, ary resin-tory aho. Avy eo dia nitsangana aho ary naka rano ho sotroina, dia niezaka nanozongozona ny tenako, ary nivoaka tany ivelany ka nandeha nanodidina, nipetraka teo amin'ny zana-tohatra.

¹³ Nisy olona nandalo ary nahatratra ahy tsy nanao ny lobako, nipetraka teo amin'ny zana-tohatra; tena nafana ny andro. Nanofahofa tànana izy ireo. Tsy fantattro na nanofahofa tànana izy ireo... Nisy olona, mety ho olona avy eo an-tanàna eto ilay izy, na mety olona ato am-piagonana, nanofahofa tànana ahy. Ary izaho—izaho dia tena nieritreritra, izaho—izaho sendra nanopry maso fotsiny tany amin'ilay fiara, nandalo. Nanofahofa tànana aho.

¹⁴ Omaly hariva dia niditra tao amin'ny fiara aho ary nandeha niakatra nankany Charlestown, niezaka ny hahita zavatra. Ny Tompo, dia toy ny hoe, te-hilaza zavatra amiko, saingy izaho... Niezaka nitsangana teo amin'ny lâlako i Satana, mba hanakana ahy hanao an'ilay izy. Noho izany dia nieritreritra aho hoe, "Eny, raha manao an'izany izy, dia hanohy hitaredretra fotsiny aho, hanohy hiandry fotsiny, hikapokapoka an'ilay varavarana mandra-Pamohany." Koa noho izany fotoana vitsy lasa fotsiny izay, na taoriana kelin'ny tamin'ny fito teo aninkeo maraina, dia tena nifoha maraina aho.

¹⁵ Omaly, narary kely, niezaka... Nihinana katsaka iray aho izay tsy nety tsara tamiko fotsiny, satria tena nafana, ary izaho—izaho dia niezaka ny hiala tamin'izany. Ary—ary avy eo aninkeo maraina, teo amin'ny valo teo, sendra naka Soratra iray aho izay nanaitra ahy. Ary njery tao amin'izany Soratra izany indray aho, ary nanaitra ahy indray Izany. Ary nandeha aho, nanaraka an'Izany nanerana an'ilay Soratra, ary vao avy namarana minitra vitsy lasa aho izay. Noho izany ilay izy dia mety hoe manana Hafatra iray ho antsika ny Tompo, izao maraina izao, izay niezahan'i Satana esorina amintsika.

Hitondra an'ilay zazakely eto ve ianao, Ranabavy Larson? [Manolotra zazakely iray Rahalahy Branham. Elanelana tsy voaraki-peo—Mpand.] Andriamanitra anie homba azy ireo sy hanampy azy ireo.

¹⁶ Ankehitriny dia nihazona anareo aho, tamin'ny Alahady lasa, roa andro, ary heveriko...na, fotoana roa, maraina sy hariva, ary izany dia mafy taminareo. Azoko fa izany... Ny sasany aminareo dia tsy maintsy hanao dia lavitra, ary ho banga asa iray andro, sy ny sisa. Noho izany na dia tsy maintsy hiainga aza izahay amin'ny Alahady, Alatsinainy, ny herinandro, dia hanao filazana fotsiny ny fotoana ho an'ny Alahady heriny aho, raha sitrapon'ny Tompo, hitanareo, raha tsy hoe mbola te-hijanona ny fiangonana rahariva. Hitanareo, izany, izany dia miankina... Tena maro loatra ianareo!

Firy no haniry hoe aleo ho rahariva ilay izy, ndao jerentsika, hanana an'ireo fotoana rahariva? Ankehitriny, ny haniry hoe aleo amin'ny Alahady heriny ilay izy, atsangano ny tânzanareo amin'ny heriny? Oadray, mifanakaiky izany. Ah! [Nisy olona iray nanoa hoe, "Mitovy, rahalahy!"—Mpand.] Ahoana hoe? ["Ataovy ilay anankiroa."] Ah! [Hoy Rahalahy Ben Bryant hoe, "Ary, rahariva, dia tokony hanao anankiroa ianao, Rahalahy."] Ankehitriny, ankehitriny, Ben! [Mihomehy Rahalahy Branham.]

¹⁷ Ity Hafatra ananako ity, dia lava, izao maraina izao, saingy izaho—izaho tsy mahafantatra fotsiny hoe fiery... Ary fantatro fa izaho dia nanampy nanoa an'ireo fitsipiky ny fiangonana, saingy teo amin'izany, raha ho voamarikareo, dia hoy aho hoe, "Raha tsy hoe mandray feo aho." Hitanareo? Noho izany, dia raisim-peo

izao. Ah-hah. Amin'izay fotoana izay angamba dia hiezaka isika ny hiverina indroa, rahariva sy amin'ny Alahady heriny, raha izany, hiverina raha sitraky ny Tompo, hitanareo. Ankehitriny, raha tsy maharay hafatra ianareo amin'ity herinandro ity, amin'izay fotoana izay dia tongava amin'ny Alahady heriny.

¹⁸ Halako ny hanao anareo ho tonga indroa tahaka an'izany, saingy tsapako fa tsy manana afa-tsy fotoana vitsy kely sisa isika. Ary tsarovinareo fotsiny, raha mitohy ny fotoana, dia tsy banana an'izao tombontsoa izao haharitra ela isika. Hitanareo? Tsarovy, hisy zavatra hiseho. Na ny lalàna no hampijanona antsika, na i Satana no hiditra eo anivonareo ary hampihahaka anareo. Toy izany foana ilay izy. Hitanareo? Hisy zavatra hiseho, noho izany dia ndao isika hankasitraka ny minitra rehetra izay iarahantsika.

¹⁹ Noho izany ankehitriny ho an'ireo izay tsy maintsy handeha hody any an-tranonareo, rahariva, izany dia ho tahaka ny tamin'ny Alahady hariva lasa teo, izaho dia nanana fotsiny ny—ny Hafatra fohy kely iray. Ary noho izany, ianareo, raha mila an'izany eo amin'ny horonam-peo ianareo, nahoana, dia azonay antoka fa halefanay ho anareo ilay horonam-peo raha tsy maintsy handeha hody ianareo. Izahay dia tsy... Hitory teny aho rahariva, raha sitrapon'ny Tompo.

²⁰ Nanana naoty iray aho omaly, na—na afak'omaly, Hafatra kely iray izay nalaiko avy tamin'ny fitadidiana zavatra anankiray, ary efa hatramin'ny ela be izany. Misy Hafatra anankiroa eto, na izany aza. Izany dia toa eo anelanelan'ny, ny anankiray amin'izy ireo dia hoe, "Famorian-drano mitete," na ny hoe, "Ilay mamafy amin'ny rivotra ka mijinja tadio," Hafatra ara-Pilazantsara iray fotsiny. Izao maraina izao dia fampianaranana. Ary noho izany, rahariva, aho dia hiresaka eo amin'ny, "Mamafy rivotra ka mijinja tadio," na ny hoe, "Ny famorian-drano izay mitete."

²¹ Ary, izao maraina izao, dia te-hamaky avy ao amin'ilay Soratra Masina aho ankehitriny.

Ary mahazo aina tsara ve ianareo? Manaovala, "Amena." [Hoy ny fiangonana hoe, "Amena."—Mpand.] Tsara.

Ankehitriny dia tiako ianareo, ao amin'ny Baibolinareo, hamadika miaraka amiko ao amin'ny Bokin'i Hosea, ianareo izay maniry hamaky. Ary ndao isika hamaky andininy vitsy avy ao amin'ny toko faha-6-n'ny Bokin'i Hosea, ilay mpaminany.

Ary hitsangana isika.

²² Andriamanitra malala, tsy mendrika handray an'ity Boky ity eto an-tànanay izahay, satria izahay dia mamaky ao amin'ireo Soratra izay tsy nisy olona tany An-danitra na tety an-tany, na tany ambanin'ny tany, izay mendrika na dia ny handray an'ilay Boky aza, na dia hijery an'Izany aza. Oh, fa indro tonga ny Anankiray izay toy ny zanak'ondry iray efa

voavono; Izy no nandray ny Boky, satria Izy no mendrika, ary Izy no namaha an'ireo Tombokaseny. Fa miantehitra Aminy izahay izao maraina izao mba hanambara an'ireo lohahevitra izay voasoratra ao anatin'ilay Boky, satria izany no Bokin'ny Fanavotana. Izay rehetra navotana dia voasoratra ao anatiny ao. Enga anie izahay hahita ny toeranay, izao maraina izao, ao amin'ny fotoana izay iainananay. Fa mangataka an'izany amin'ny Anaran'i Jesosy izahay. Amena.

Avia ankehitriny, ka ndao isika hiverina amin'ny TOMPO: fa izy no namiravira, ary izy no hanasitrana antsika; izy no namely, ary izy no hamehy antsika.

Afaka roa andro izy dia handray antsika: amin'ny andro fahatelo dia hanangana antsika izy, ary ho velona eo anatrehany isika.

Koa aoka isika hahalala, raha hiezaka hahalala ny TOMPO isika: ny fiposahany dia voaomana toy ny maraina; ary ho avy amintsika toy ny ranonorana izy, toy ny fara-orana sy loha-orana amin'ny tany.

O Efraima, inona no hataoko amina? O Joda, inona no hataoko amina? fa ny fahatsaranareo dia toy ny rahona maraina, ary tahaka ny andro vao maraina izay levona.

Noho izany dia nokapaiko tamin'ny alàlan'ireo mpaminany izy ireo; novonoiko tamin'ny alàlan'ireo tenin'ny vavako izy ireo: ary ny fitsarana anao dia toy ny mazava izay miposaka.

Fa famindrampo no sitrako, fa tsy fanatitra; ary ny fahalalana an'Andriamanitra noho ny fanatitra dorana.

Fa izy ireo dia namadika ny fanekena: izy ireo dia—izy ireo dia nanaiky nivadika hanohitra ahy.

Gileada dia tanànan'ireo izay mpanao meloka, sady voaloton'ny rà.

Ary toy ny antokon-jiolahy miandry olona iray, dia toy izany koa ny fikambanan'ireo mpisorona mpamono olona eny an-dàlana tamin'ny fanekeny: sy...nanao fahavetavetana.

Nahita zavatra mahatsiravina aho tao amin'ny ankohonan'i Isirael: ao ny fijangajangan'i Efraima, voaloto Isirael.

Izao koa, O Joda, izy dia nandefa andro fijinjana ho anao, rehefa ampodiako ny babo amin'ny oloko.

²³ Tompo Jesosy, sintony avy amin'Izany, amin'ny alàlan'ny Fanahinao Masina, ny lohahevitra izay kasaina, raha manohy miandry Anao izahay. Amin'ny Anaran'i Jesosy. Amena.

²⁴ Ankehitriny, ny lohahevitro izao maraina izao dia:
Mahafantatra Ny Andronareo Sy Ny Hafany.

Hitantsika avy tao amin'ny lesion'ny Alahady lasa, raha nampianatra isika, *Ny Fetin'Ny Trompetra*. Ary te-hiantso ny fifantohanareo aho, ankehitriny, ilay fotoana—fotoan'ny Isiraely tao amin'ny famantaranandron'Andriamanitra.

²⁵ Manomboka amin'ny lesion'ny sekoly Alahady iray isika androany, ka tiako ianareo hahalala sy hahafantatra ny fotoana izay iainantsika. Efa saiky mamarana mihitsy isika, araka ny hitanareo. Ary noho izany, amin'ny alàlan'izany, dia tokony ho fantatrareo ilay tena ora sy fotoana, ary ny famantarana sy ny Hafatra izay tsy maintsy raisinareo.

²⁶ Ankehitriny, raha nanomboka isika tamin'ny Alahady lasa... Niresaka isika ny amin'ny hitoriana an'ireo Trompetra, ireo Trompetra Fito farany an'ny Baiboly. Ary izaho, tao amin'ny tenako, dia nihevitra aho fa izy ireo dia ho voambara tahaka an'ireo Tombokase fotsiny. Saingy voamariko fa teo amin'ny tsirairay avy tamin'ireo fanokafana dia nisy zavatra goavana nitranga.

Ary rehefa nitory an'ireo *Taona Fiton'ny Fiagonana* isika, ary tena tanteraka mihitsy izy ireo hany ka ny Fanahy Masina Tenany no nidina teo anivontsika ary nanamarina an'izany, ary nametraka an'izany tao amin'ireo gazety, sy nandefa an'izany nanerana ny firenena, ary naneho an'izany tao anatin'ny volana teny amin'ny lanitra, sy nanoporofo an'izany tamintsika, herinandro sy volana maro talohan'ny nitrangany, tamin'ny fomba haha-izy azy mihitsy, tanteraka. Tato amin'ity tabernakla ity Izy no nampahafantatra an'izany. Teto ambonin'ny... tamin'ny fotoany, dia Izy no nampahafantatra an'izany. Teny amin'ny volana sy ny masoandro, dia Izy no nampahafantatra an'izany. Ary teo amin'ny toeran'ireo firenena amin'izao fotoana izao, dia Izy no nampahafantatra an'izany; raha lasa sy niverina tany Palestina ilay laharam-boninahitr'i Roma, izay noheverina fa ho papa voalohany niverina hatramin'ny (izy ireo no milaza) naha-papa an'i Petera. Ankehitriny, dia tena goavana izany!

²⁷ Avy eo, dia nahita isika, talohan'ireo Tombokase Fito izay nanafina an'ireo zava-miafina rehetra.

Izaho tsy nahafantatra an'izay nataoko sary teny amin'ilay tabilao, ho an'ireo Taonan'ny Fiagonana. Tsy nahafantatra mihitsy aho. Andriamanitra no mahafantatra. Tamin'ny alàlan'ny fahitana fotsiny, no nanoratako an'izany. Tsy nahafantatra fa Andriamanitra, taona iray sy enim-bolana taty aoriania, no nanamarina an'izany teny amin'ny lanitra, tamin'ny alàlan'ny volana, ary nametraka an'izany nanerana an'ireo gazetim-pirenena. Tsy nahafantatra an'izany aho. Tsy nahafantatra aho hoe hisy fahamaizinana mahagaga teny amin'ny volana, mba haneho an'io Taonan'i Laodikia io.

²⁸ Ankehitriny, eo amin'ireo gazety, dia ireo taona enina ihany no hitanareo. Izany dia satria ny fiangonana Laodikia no nohamainina tanteraka. Ary raha hanamarika an'ilay fampiharana ara-panahy ianareo, raha nametraka an'izany teny amin'ny lanitra Andriamanitra. Rehefa nametraka an'izany teto amin'ny tany aho, dia namela elanelana kely, araka ny hitanareo, hazavana bitika kely fotsiny. Izany dia talohan'ny niantsoana an'ilay tena Voafidy hiala amin'ny tany mihitsy, ny antony nametrahako azy teo ho an'ilay taona fahafito. Fa rehefa napetrak'Andriamanitra teny amin'ny lanitra izany, dia tena maizina tanteraka ilay izy, izay midika angamba fa antsoina avy ao amin'io Taonan'i Laodikia io ilay anankiray farany. Tsy mahafantatra isika. Mety hisy toriteny iray eo amin'izany.

²⁹ Ankehitriny dia mariho indray, talohan'ireo—ireo Tombokase Fito, izay tsy nananako hevitra mihitsy hoe tahaka an'izany ilay izy.

Teto amin'ny tabernakla dia niresaka an'izany Izy, ary naniraka ahy nankany Tucson, Arizona, hilaza aminareo rehetra an'izay nitranga. Ary misy olona mipetraka manatrika eto, androany, izay tany mba hahita fa tena nitranga tanteraka izany tamin'ny fomba nilazana azy teto fa hitrangany hoe, "Anjely Fito no ho tonga." Avy eo dia naka an'izany ireo gazety, sy ireo magazina, nanerana ny firenena, "Hazavana boribory mahagaga amin'ny endrika pyramida," tena tahaka an'izay nanaovako sary azy teto sy nanehoako taminareo. Niakatra avy teo amin'izay nitsanganan'ireo Anjely ireo, ary nandeha tany amin'ny telopolo maily ny hahavony, sy tany amin'ny fito amby roapolole maily ny sakany; na hoe fito amby roapolole maily ny hahavony, ary telopolo maily ny sakany, adinoko hoe iza ilay izy. Ary hita nanerana an'ireo fanjakana, teo ambonin'i Tucson mihitsy, Arizona, teo mihitsy no nitrangan'izany, tamin'ny fotoana mitovy.

³⁰ Hitanareo, ny—ny Baiboly, Andriamanitra dia tsy hoe fotsiny . . . Izany dia tsy hoe olona iray fotsiny no miezaka ny—ny hanery zavatra aminareo, fa hanambara aminareo an'ilay tena fampiharana ara-panahy an'izao ora izao.

³¹ Ary avy eo, ilay Hafatra manaraka, izay nanokatra an'ireo Tombokase Fito, izay namaha an'ireo zava-miafin'ny Baiboly rehetra nafenina, ireo Fampianaranana, sy ny sisa. Fa, izao tontolo izao dia manafika mafy amin'izao fotoana ankehitriny izao, manafika an'Izany ka milaza fa diso Izany, *ity, itsy*.

³² Teto indray andro tany Arizona, teo am-panohizana an'ireo horonam-peo, mba hiezahana hanao ahy hilaza zavatra izay tsy nolazaiko. Tsarovy fotsiny ilay fahitana mikasika ny tolo-kevit'i Arizona! Hoy ny Baiboly hoe, "Tsara lavitra ho anareo raha manana vato iray ianareo eo amin'ny tendanareo." Ary zavatra hafa anankiray koa, hoe, "Na iza na iza," na mpitoriteny iray izy na izay tiandy, "manaisotra Teny iray avy ao amin'Izany, na

manampy teny iray amin'Izany!" Ny olona dia mametraka ny fandikany manokana eo amin'ny Teny amin'izay nanomezana Azy, miezaka hanao Azy hilaza zavatra izay tsy nolazaiko, ary, tsy ny Teniko; ny Teniny Izany. "Izay manampy, na manaisotra!"

³³ Ary avy eo, tao amin'ilay fahitana, dia hitantsika ireo mpaminany nidina tampoka ireo, araka ny nazavaiko taminareo, mino aho, Alahady maro lasa izay. Ho tanteraka izany rehetra izany. Hoy aho hoe, "Mialà lavitra an'izany fotsiny." Raha mbola izaho no miady amin'izany, amin'izay fotoana izay dia tsy afaka miady amin'izany Andriamanitra. Fa ndao isika hamela Azy hanao an'ilay izy. Izy no Tokana Izay miahys an'izany. Hitanareo?

³⁴ Ankehitriny nahamarika isika, tamin'ny Alahady lasa, fa nisy...nitory an'ireo andro fety. Ary nisy fetin'ny pentekosta iray. Ary teo anelanelan'ny fetin'ny pentekosta sy ny fetin'ny trompetra, dia fotoan'andro lava izany; dimampolo andro marina ny teo anelanelan'ny pentekosta sy ny fetin'ny trompetra. Ary dimampolo andro, fa, *pentekosta* dia midika hoe "dimampolo." Fanevahevana amboara izany, na ny voka-.... Ireo voaloham-bokatrin'ny fararano dia nentina nuditra. Ary hitantsika fa tao amin'ny tandindona tao izany, miaraka amin'ireo voaloham-bokatra ara-nofo, maneho ny voaloham-bokatrin'ny Fanahy Masina izay tsy maintsy hirotsaka eo amin'ny olona.

Ary hitantsika, avy eo, fa ireo dimampolo andro ireo dia noraisin'ireo Jentilisa, fa, "Andriamanitra dia niantso vahoaka iray avy amin'ireo Jentilisa ho an'ny Anarany," ilay fetin'ny pentekosta. Ary nitety an'io fetin'ny pentekosta lava io isika.

³⁵ Ankehitriny, tokoa, avy amin'ireo dimampolo andro ireo, tena sabata fito tanteraka izany. Ary ireo sabata fito dia maneho ny Taona Fiton'ny Fianganana, mba hantsoina tamin'ny fotoan'ny fetin'ny pentekosta, an'ny Pentekosta, mba hiantso vahoaka iray avy amin'ireo Jentilisa ho an'ny Anarany.

Ankehitriny, tamin'ny fiafaran'ireo sabata fito ireo, izay nisy, dia tsy maintsy nisy Andro Fanaovam-panavotana iray, dia ireo Trompetra Fito izany. Ary ireo Trompetra Fito dia mba hiantsoana andro fisaonana iray, miverina ao amin'ilay Fanatitra, na, ny Fanaovam-panavotana. Ary hitantsika tamin'izany, fa, Isiraelly, ireo Trompetra Fito dia natao ho an'ny Isiraelly irery ihany.

³⁶ Ary, noho izany, nahoana Izy no tsy namela ahy hitory an'ireo Trompetra Fito ireo. Efa vonona mihitsy aza aho ny hanambara an'ilay izy, nanana an'ireo efitra efa vonona sy ny sisa mba hidirana, hitoriana an'ireo Trompetra Fito. Ary hoy aho hoe, "Misy zavatra manelingelina ahy mafy," hoy aho. Nanohy niasa izahay, ary Billy sy izahay rehetra, dia miezaka ny hanao ny zavatra rehetra ho vonona ho an'ilay tranobe misy rivotra mampangatsiaka, ho an'io herinandro ho avy manaraka io,

ho an'ireo Trompetra Fito; banana folo andro, na valo andro, efa nahazo an'ilay efiftranoben'ny sekoly. Fa tsy namela ahy hanao an'izany ny Fanahy Masina, noho ny antony iray, ary nanontany tena aho hoe nahoana.

Ary rehefa nandeha nivavaka aho, dia niteny tamin'ny vadiko aho hoe, "Handeha aho." Ary nandohalika am-pahatsorana teo anatrehan'Andriamanitra aho, mba hivavaka. Ary Nambarany ahy fa ireo Trompetra Fito ireo dia naneno teo ambanin'ny Tombokase Fahenina, dia nitory an'izany aho, tamin'ny ivelan'ny voajanahary. Hitanareo, ny tànan'Andriamanitra izany, ilay zavatra manontolo. Mahakasika ny Isiraelly izany, ary azontsika izany tao ambanin'ny Tombokase Fahenina; ianareo rehetra izay mahazo an'izany, ahoana ilay fanenjehana an'ireo Jiosy.

³⁷ Ny fotoan'ireo Jentilisa dia tao anatin'io fetin'ny pentekosta io.

Ireo Trompetra, teo ambanin'ny...izy rehetra ireo dia naneno tao ambanin'ny Tombokase Fahenina. Ary azontsika izany tamin'ny Alahady lasa, teo ambanin'ny fetin'ireo trompetra, raha tianareo rehetra ny hahazo an'izany. Inona no tsy maintsy nataon'izany? Hanafaingana an'ireo Jiosy, avy any amin'ireo ampahany rehetra an'izao tontolo izao, hiverina any amin'ny tanindrazany. Tsy maintsy ho ao izy. Ary ny fanokafana an'ireo Tombokase, teo ambanin'ny Tombokase Fahenina, sy teo ambanin'ny...Ireo Trompetra Fito dia naneno teo ambanin'ny—ny Tombokase Fahenina.

³⁸ Ankehitriny, ny Hafatr'ilay anjely fahafito dia tsy maintsy manokatra ny zava-miafin'ireo Tombokase, miantsy an'ireo Jentilisa mpiasan'ny ora fahiraika ambin'ny folo mba handray an'ilay karama mitovy amin'izay azon'ireo mpiasa voalohany. Hitanareo?

Ankehitriny, Jesosy no nampianatra an'izany. Nilaza Izzy fa nisy olona maromaro izay nandeha tany amin'ny fijinjana. Nokaramaina izy ireo. Ary rehefa nanao izy ireo, vao maraina, izy ireo dia nandray tamin'ny—ny—ny fotoana iray, denaria iray ho an'ny andro iray. Ary avy eo tamin'ny mitataovovonana, dia niditra ny olona hafa iray ary nandeha niasa. Ary avy eo tamin'ny ora fahiraika ambin'ny folo, izany no ora faran'ilay andro, dia niditra ny olona iray ary nandray an'ilay karama mitovy amin'izay noraisin'izy ireo tamin'ny ora voalohan'ilay andro; ora farany.

³⁹ Tena tanteraka mihitsy izany, hoe ahoana ireo iraky ny ora voalohany niaraka tamin'ny Teny, niaraka tamin'ny Filazantsara, niaraka tamin'ny Fahamarinana, tonga tamin'ny Andron'ny Pentekosta izy ireo. Avy eo dia nisy taona maizina iray izay nampikatso azy ireo. Avy eo teo afovoan'ilay andro, Luther, sy Wesley, ary izy ireo, dia niditra. Ary avy eo

dia tsy maintsy misy ny Hafatry ny andro hariva iray, mba handray an'ilay zavatra mitovy amin'izay noraisin'izy ireo tany amin'ny voalohany. Ny Hafatry ny andro hariva dia tsy maintsy mamerina indray, hitondra indray an'io zavatra mitovy io.

⁴⁰ Ary tsarovy ilay fahitana tamin'ny herinandro lasa, hoe rehefa tonga ilay Ampakarina mba ho...fahitana mialoha an'izany. Indro tonga ilay Ampakarina kely, maha-te-ho tia, tao amin'ilay fahitana. Ary izaho, tsy nieritreritra ny amin'izany; nипetraka teo fotsiny nandinika tany ivelany. Ary indro tonga ilay Ampakarina. Nandre Feo iray aho teo anilako, nanao hoe, "Izao no fahitana mialoha ny Ampakarina." Ary nandalo Izy. Voamariko Izy, ny naха-изи Azy, tena maha-te-ho tia, tsara tarehy, tanora. Namindra fotsiny tamin'ny fandeha arak'izay Vitany Izy, tsy famindra iray; tao amin'ilay fandehan'ny—ny vehivavy fotsiny, toy ny ahoana no namindran'izy ireo tsara, tahaka ny ramatoa. Izany no fomba Namindrany, tonga teo amin'ny ankaviako teo amin'ity ilany ity, dia niala tamin'ny fahitako Izy.

⁴¹ Avy eo dia nampitodika ahy tany amin'ny ilany havanana Izy, ary Nasehony ahy ny fiangonana tsirairay raha nivoaka avy tao amin'ireo taona izy ireo. Ary, oh, ratsy toy ny ahoana! Ary ilay farany dia ity taonan'ny fiangonan'ny andro farany ity, izay tarihin'ny mpamosavy iray. Ary tena nitafy tsy mendrika izy ireo, tena maloto jerena! Ary namindra tamin'ny ban-kira twist sy rock-and-roll izy ireo. Ary ireo vehivavy ireo dia nanopitsipy ny tenany fotsiny tao amin'ny twist, niaraka tamin'ny fihazonana taratasy fotsiny, volon-davenona, mpihatsaravelatsihy, ilay rat-... Ny volon-davenona dia eo anelanelan'ny fotsy sy ny mainty, izay loko mamitaka iray. Ny volon-davenona dia sady tsy fotsy no tsy mainty. Loko mamitaka iray izany. Ary ny taratasy volon-davenona, tazoniny eo afovoan'izy ireo, miaraka amin'ny zipo dantelina hula tazoniny eo afovoan'izy ireo, ary nitanjaka tanteraka hatreо amin'ny valahany. Ary namindra tamin'ny...na ban-kira, na niolankolana, sy nanohy niaraka tamin'izany mozika izany, namindra. Ary hoy Izy, "Io ilay fiangonana."

⁴² Ary rehefa nandalo ahy izy, dia toy ny torana ny foko. Nieritreritra aho hoe, "Raha io no ezahana hatolotra an'i Kristy, ho Ampakarina iray? Avy amin'ireo ezaka rehetra sy ny sisa izay nataon'ny olona, mba hamokatra Ampakarina iray ho an'i Kristy; dia mpivarotena ratsy iray, maloto, maloto jerena tahaka an'io ve no ho Ampakarin'i Kristy?" Nampaharary ahy tato am-poko izany.

⁴³ Ary raha nandalo izy, rehefa izy... Tonga teo anoloan'izay nitsangananay, dia nihazona an'ilay taratasy izy teo afovoany, niolankolana, sy nanao rock, ary nanetsika ny tenany tamin'ny ilany anankiray avy eo tamin'ny ilany iray hafa, raha nandeha izy, tahaka an'ireo dihy moderina izay ananan'izy ireo amin'izao

andro izao, mampiasa ny tenany tao amin'ny fihetsika tsy mendrika raha nanohy namindra izy.

⁴⁴ Tsy tompon'andraikitra amin'ireo zavatra ireo aho. Izay hitako fotsiny ihany no azoko lazaina. Ary Andriamanitra no Mpitsarako, fa izay ilay fiangonana avy ao U.S.A.

⁴⁵ Ankehitriny, raha nandalo izy, ilay ampahany aoriana manontolo dia tsy nisarona mihitsy. Ary avy eo raha nandalo izy, dia torana aho ary tena narary.

⁴⁶ Avy eo dia hoy Izy hoe, "Ho avy eo amin'ny fahitana mialoha indray ny Ampakarina." Ary indro ilay Ampakarina tonga taoriany, ilay tena Ampakarina mitovy izay nandalo tany amin'ny voalohany. Tamin'izay fotoana izay dia nitroatram-pifaliana ny foko, mba hahafantatra fa hisy Ampakarina iray. Ary Izy dia ho vita amin'ilay zavatra iray ihany, sy hiakanjo amin'ilay zavatra iray ihany, izay naha-izy an'ilay Anankiray tany amin'ny voalohany. Tsy maintsy antsoina Izy.

Ary fantattro fa izany no Fahamarinana. Raha tsy marina izany, dia diso ny fahitana rehetra izay azoko tany aoriana. Ary ny tsirairay dia mahafantatra, fa, tsy nisy zavatra anankiray izay hany Nolazainy tamintsika ka tsy ny Fahamarinana. Tsy maintsy niseho izany, fotsiny . . .

⁴⁷ Ary mety hitanareo ve, arak'izany, ny fahalotoan'ilay fiangonana moderina, miantso ny tenany hoe ny "fiangonana"?

⁴⁸ Tahaka ny nolazain'ny olona iray indray andro; Rahalahy Ruddell, rahalahiko sarobidy iray, miankina ery amin'ny rindrina ery ankehitriny. Hoe, nahita an'izany tahaka ny solofo iray eo amin'ny voaloboka izy. Ary niadianay hevitra izany tao amin'ilay efitra indray andro. Ary Rahalahy Ruddell dia nikorontana mikasika an'ireo toetry ny fotoana sy ny—sy ny fahatsapana ny fanahy ao amin'ireo fiangonana amin'izao andro izao, hoe ahoana fa manomboka mitsontsorika izany. Ireo mpitoriteny izay tonga avy tany rehetra tany, sy ireo fihaonana teto, nanontany hoe, "Inona no nitranga, Rahalahy Branham? Inona no nitranga?" Oh, oadray!

⁴⁹ Nametraka an'ilay fanontaniana tamiko Rahalahy Ruddell hoe, "Mivelona amin'ny fanahin'i Satana ve izy ireo, sa inona?"

⁵⁰ Hoy aho hoe, "Tsia, ilay solofo dia mivelona amin'ny herin'ilay voaloboka." Mivelona izy satria, ilay voankazo marikiwy, ny—ny voasary makirana iray dia hitsimoka ao anatin'ny hazo voasary iray; saingy tsy hitondra voasary izy, na dia mivelona amin'ny ainy aza izy.

Ary ny fiangonana, nantsoina ho, dia solofo iray natao grefy, mivelona eo ambanin'ny anaran'ny fivavahana, eo ambanin'ny anaran'ny fiangonana. Katolika sy Protestanta, solofo fotsiny, misintonia an'ilay . . . avy ao amin'ny herin'ilay Voaloboka; kanefa dia mitondra ny voa an'izy maha-izy azy

ireo, satria tsy niova fo izy ireo. Izy ireo dia tsy tao amin'ilay drafitr'Andriamanitra tany am-boalohany, voafidy mialoha, izany no antony tsy maintsy handavan'izy ireo ny Teny ka nitondra karazana voa hafa. Ilay hazo tena izy, ao amin'ny fakany, no voafidy mialoha hamokatra voasary eo amin'ny hazo voasary iray.

Hoy Jesosy hoe, “Izaho no Voaloboka; ianareo no sampana.”

⁵¹ Fa raha toa ka mamokatra sampana hafa iray io hazo io, dia hitondra ny voany tany am-boalohany izy. Ary tsy maintsy hisy ny famerenana an'ireo zavatra rehetra ireo, any amin'ny faran'ilay Voaloboka mihitsy. Tsy maintsy, hamokatra, famerenana iray, Hazavan'ny hariva iray hanazava Azy ary hanao Azy ho marina. Fa hivoaka avy ao amin'ilay Voaloboka izany, fa tsy ao amin'ny anaram-piangonana iray izay natao grefy tao Aminy; fa ilay famokaran'ny Teny tany am-boalohany. Tsy maintsy miseho izany ho an'ilay andro hariva. “Ary hisy Hazavana amin'ny andro hariva.” Mila Hazavana hanamasaka Azy izany.

⁵² Hitanareo hoe tanteraka toy ny ahoana ny Soratra! “Andro iray izay tsy hantsoina hoe andro na alina.” Tsy mety masaka ny voa raha tsy ny masoandro no manamasaka azy. Tsy mampaninona na impiry ianareo no mitory teny, na inona na inona ataonareo, tsy mety ho masaka izany, tsy mety ho voaseho izany, tsy mety ho voamarina izany; fa amin'ny Alàlany irery ihany Izay niteny hoe, “Izaho no Fahazavan'izao tontolo izao,” ny Teny. Noho izany dia tsy maintsy miseho ny—ny—ny Hery iray, ny Fanahy Masina Tenany, mba hanamasaka, na hanamarina, na hanaporofo, na hampiseho an'izay Nolazainy mialoha fa hitranga amin'izao andro izao. Ilay Hazavan'ny hariva no mamokatra an'izany. Fotoana iray toy ny inona!

⁵³ Nandalo tao amin'ilay toerana iray ihany izay nisy Azy tamin'Izy tany amin'ny voalohany ilay Ampakarina. Fa nandinika Azy niala tamin'ny laharana aho, ary niezaka ny hisintona Azy hiverina. Ankehitriny, maro no azo lazaina eo amin'ireo zavatra ireo, ny amin'ny andro izay iainantsika.

⁵⁴ Ankehitriny, Hosea no nilaza, ao amin'ny 6:1 hoe, “Miverena amin'ny Tompo.” Tsarovy, izy no nilaza fa hiyahaka izy ireo, ary nihahaka izy ireo. Hoy izy hoe, “Hiverina amin'ny Tompo izy ireo, rehefa avy nihahaka izy ireo, ary Izy no hanao, hamehy azy ireo.” Mariho, “Miverena...Nihahaka; ny faharoa...Voaviravira izy ireo, ary nohajambaina” Izany marina tokoa no nitranga. “Izy no hanasitrana antsika, ary hamehy antsika.”

Tahaka ny Ezekiela 37, “Ireo taola-maina, ilay lohasaha feno taola-maina.” Nahita an'izany i Ezekiela, ny fiverenan'izy ireo indray.

Avy eo dia mariho, hoy i Hosea hoe, “Afaka roa andro! Afaka roa andro dia hiverina amin’izy ireo Izy. Izy dia handray antsika sy hanome antsika, hamelona antsika.” Ankehitriny, *hamelona* dia tsy midika “fitsanganana.” *Hamelona*, eo, dia ilay teny iray ihany izay nampiasaina tany an-kafa rehetra tany, vao avy nohamariniko izany, midika hoe, “fifoahazana iray.” “Izy no hamelona antsika afaka roa andro.” Izany dia ho, “Amin’ny andro fahatelo dia hamelona antsika indray Izy, rehefa avy nampihahaka antsika Izy, sy nanajamba antsika, ary namiravira antsika.”

⁵⁵ Fantatrareo, ireo Jiosy dia nohajambaina ho an'ilay tena tanjona mba hahafahantsika manana fahitana. Voaviravira tanteraka izy ireo, sy nihahaka, toy ny firenena iray, ary nandà ny Mesiany; mba hahafahantsika mandray ny Mesia, mba hisian’ny vahoaka iray nantsoina hivoaka avy ao amin’ireo Jentilisa nohon’ny Anarany.

⁵⁶ Ankehitriny, mivoaka ilay lehilahy, ary maka ny anarany ilay vehivavy. Ireo Jentilisa jamba izay tsy afaka mahita an'io Anarana io, “ny Tompo Jesosy Kristy,” amin’ny batisa! Tena mampalahelo mihitsy izany, saingy tsy maintsy ho toy izany ilay izy. Ireo Jiosy, izy ireo dia tsy maintsy—izy ireo dia tsy maintsy tsy nahita an’izany. Anankiray ihany no afaka mahita an’izany; izany ilay anankiray izay voafidy mialoha hahita azy. Raha tsy izany, dia tsy hahita azy mihitsy ianareo.

Tsy afaka nahita an’izany ho ny Mesiany ireo Jiosy. Ary, kanefa, izy ireo dia nianatra sy teolojiana, olon’ny fianarana lehibe fanta-daza, namaky an'ilay Baiboly iray ihany izay vakianareo. Ankehitriny, rehefa avy nampahafantarina antsika izany, dia afaka mahita an’izany miharihary isika, fa izany no Mesia. Saingy, tsy afaka nahita an’izany izy ireo, mbola tsy afaka mahita an’izany akory aza amin’izao andro izao. Izy ireo dia naminaniana ny hohajambaina, ihany koa.

⁵⁷ Ilay fiangonana, amin’izao andro izao, dia naminaniana ny hohajambaina, handà an'ilay Hafatry ny andro hariva. Apokalypsy 3 no nilaza an’izany hoe, “Ianao no mahattra, ory,” mariho ilay toetran’ilay ampakarina indray hariva, na ilay fiangonana, “mitanjaka, jamba, nefà tsy mahafantatra an’izany.” Tompo Jesosy, mamindrà fo aminay! Ny Baiboly no nilaza fa izy dia “mitanjaka.” Tsy nahita an’izany aho raha tsy vao izao ankehitriny izao. Ny fiangonana Laodikia dia mitanjaka. Ary rehefa niseho izy ilay indray hariva, izy dia “mitanjaka,” tsy voamariko mihitsy izany, “nefa tsy nahafantatra an’izany.”

⁵⁸ Oh, fankasitrahaha toy ny ahoana! Ahoana, tsy mahagaga raha tena mankasitraka isika! Tsapako fa isika no tsy mankasitraka loatra an’ireo zavatra izay ampaahafantarin’Andriamanitra antsika.

⁵⁹ “Mitanjaka.” Ary ireo fahitana dia nilaza, naneho tamiko fa mitanjaka nefo tsy nahafantatra an’izany, ary “nohajambaina.” Tahaka ny Isiraelly izay nohajambaina mba hahafahan’ireo Jentilisa niditra, ankehitriny dia nohajambaina ireo Jentilisa mba hahafahan’ny Ampakarina ho raisina sy hahafahan’ny Isiraelly handray an’ilay fetin’ny Trompetra. Tanteraka fotsiny mihitsy!

⁶⁰ “Afaka roa andro dia hamelona antsika Izy, na hanome antsika fifohazana iray, mitondra antsika miaraka, ireo Jiosy,” miresaka ny amin’ireo Trompetra aho ankehitriny. Ary Izy no . . . “Ary ho velona eo Anatrehany isika, na hanana Fiainana Mandrakizay. Hitanareo, ho eo Anatrehany isika.” Ny Baiboly no nilaza ao amin’ny Hosea eto, nanao hoe, “Ary ho velona eo Anatrehany isika; Fiainana, hanana Fiainana eo Anatrehany.” Ny Fiainany Manokana izany, Fiainana Mandrakizay, “hanana Fiainana eo Anatrehany.”

“Izay mivelona amin’ny fahafinaretana dia maty na dia velona aza izy.” Noho izany isika . . . nampanantenaina fa hanana Fiainana eo Anatrehany indray i Isiraelly. Efa maty izy, raha ny marina, ary tamin’ny fetin’ny pentekosta.

⁶¹ Ankehitriny mariho, tsara. “Avy eo afaka roa andro.” Ankehitriny, izany dia tsy nidika hoe andro roa amin’ny efatra amby roapolo ora, satria nisy . . . Efa tany aoriana be tany izany no nitranga, an-jato taonany maro lasa. Hitanareo? Izany dia nidika hoe, “roa andro amin’ny Tompo,” afaka roa arivo taona. Ankehitriny, fantatrareo ve hoe firy izany hatramin’io fotoana io? Izany dia roa arivo sy fitonjato taona hatramin’io, satria eto amin’ny Hosea eto izany dia 780 B.C. [Talohan’i Kristy—Mpand.] 1964, hitanareo, izany dia zavatra efa roa arivo sy fitonjato taona mahery lasa. Hoy izy hoe, “Afaka roa andro, amin’ny andro fahatelo, dia hamelona antsika indray Izy, ary hanome antsika Fiainana eo Anatrehany.” Eo ireo Trompetranareo no miditra. Izany ilay ora izay iainantsika, ilay andro izay iainantsika.

⁶² Ankehitriny, efa nihahaka izy ireo, nohajambaina, nangonina, ary lavitra an’ilay andro fahatelo. Hitanareo ve izany? Nihahaka izy ireo, avy tao Palestina, nanerana an’izao tontolo izao. Nohajambaina izy ireo, mba handà ny Mesia. Ary ankehitriny dia efa nangonina ao amin’ny tanindrazany izy ireo, vonona ho an’ireo Trompetra, mba hahafantatra an’ilay Fanaovam-panavotana.

Araka ny nolazain’ny Baiboly hoe, “Rehefa mandray an’Izany izy ireo, ka mahita Azy miaraka amin’ireo holapantsika,” rehefa avy nalaina ilay Fiangonana, “dia hoy izy ireo hoe, ‘Taiza no Nahazoanao an’ireto holatra ireto?’ Hoy Izy hoe, ‘Tany an-tranon’ireo Sakaizako.’” Ary hoy Izy hoe, “Hisaraka izy ireo, isaky ny fianakaviana, sy hiantsoantso ary hitomany, mandritry ny andro maro, tahaka ny fianakaviana iray izay

nahavery ny zananilahy tokana.” Tsarovy, io fetin’ny Trompetra io no tsy maintsy nanao an’izany. “Mitomany, misaona noho ilay Fanatitra novonoina,” nefà nolavin’izy ireo Izany.

⁶³ Ao amin’ny taniny izy ireo. Nihahaka izy ireo, nohajambaina, ary nangonina ankehitriny. Ary izany rehetra izany dia ao amin’io Tombokase Fahanina io, ireo Trompetra Fitony...naneno mba hanangona azy ireo miaraka, ilay Trompetra Fahanina. Ny Fahafito dia “ilay Trompetra Lehibe,” araka ny azontsika tamin’ny Alahady lasa. Ny Trompetra Fahanina dia naneno teo ambanin’ny Tombokase Fahanina. Tahaka ny Tombokasentsika Fahanina nisokatra mihitsy, ny zavatra rehetra tamin’ny fotoana iray mitovy; saingy fotsiny, ny azy ireo dia naneno indray mandeha; fa, isika dia roa arivo taona ao anatin’ny fetin’ny pentekosta.

⁶⁴ Ankehitriny, roa arivo sy fitonjato taona hatramin’io fotoana io. Hoy izy hoe, “Amin’ny andro fahatelo, dia hangonina indray isika. Afaka roa andro, amin’ny andro fahatelo, dia hangonina indray isika, ary handray Fiainana eo Anatrehany.” Hitanareo ve ilay teny fikasana? Ilay ora voasoratra tanteraka teo amin’ny rindrina. Hitantsika hoe aiza no iainantsika.

⁶⁵ Ankehitriny ao amin’ilay tanindrazana, miandry an’ilay Fetin’ny Trompetra, na ilay fahafantarana ny Fanaovampanavotana, ary miandry ny Fihaviana, misaona noho ny fandavany an’ilay fotoana voalohany izay nandavan’izy ireo an’Izany. Ao amin’ilay tanindrazana izy ireo ho an’izany, miandry. Inona izy rehetra... Ny zavatra rehetra dia mipetraka ara-toerana.

⁶⁶ Amin’ny maha-mpanompon’ny Filazantsara, dia tsy afaka mahita zavatra anankiray tavela afa-tsy ny fandehanan’ny Ampakarina aho. Ary ny Ampakarina dia tsy maintsy halaina mialohan’ny hahafantaran’izy ireo an’izay nitranga. Voafatotra izy ireo, nihahaka... Ny tiako ho lazaina, dia nihahaka izy ireo, nohajambaina, ary ankehitriny dia nangonina. Inona no tavela? Ilay Ampakarina tsy maintsy hesorina amin’ny lâlana. Miandry ny fandehanan’ilay Ampakarina, mba hahafahan’ireo mpaminaniny ao amin’ny Apokalypsy 11 hiantso azy ireo ho amin’ilay fetin’ny Trompetra, hanao azy ireo hahafantatra an’izay nataon’izy ireo.

⁶⁷ Tsarovy, eo anelanelan’ireo Tombokase ireo mihitsy, no nivoaka ilay Tombokase Fahanina. Ary teo no nisy ny efatra arivo sy efatra alina sy iray hetsy,nofidiana sy nantsoina. Ary eo anelanelan’ny Trompetra Fahanina sy Fahafito, eo marina mihitsy no miseho ny Apokalypsy 11 milahatra miaraka amin’ilay Tombokase Fahanina.

⁶⁸ Hanao inona? Inona no tsy maintsy hataony? Ary izany no tsy maintsy nitondra an’ireo vavolombelona roa, Mosesy sy Elia, mpaminaniny. Fa, ny mpaminaniny irery ihany no inoan’ireo

Jiosy. Ary hivoaka izy ireo miaraka amin'ny famantaran'ny mpaminany, ary ny asan'izy ireo dia ho ny an'ny mpaminany, satria nanao an'izany tanteraka izy ireo.

Maneho zavatra anankiray, hoe, ry olona, rehefa maty ianareo na inona, rehefa mandoa an'ity izao tontolo izao ity ianareo, dia tsy miova ny natioranareo. Raha mpandainga ianareo ankehitriny, dia ho mpandainga ianareo any. Raha mafy loha ianareo eto, dia ho mafy loha ianareo any. Raha mpisalasala ianareo eto, dia ho mpisalasala ianareo any. Ry lehilahy sy vehivavy, izao no fotoana hanozongozonanareo ny tenanareo sy handinihanareo ny tenanareo, ary hahita hoe aiza isika no mijoro, satria tsy manova an'izany ny fahafatesana.

⁶⁹ Efa roa arivo taona izy ireo no lasa. Mosesy efa nandrity ny dimanjato sy roa arivo taona, ary Elia efa hatramin'ny... Saiky efa dimanjato sy roa arivo taona izao no efa lasa i Elia, ary efa lasa i Mosesy, nefo eto izy ireo miverina miaraka amin'ilay natiora iray ihany ary manao an'ireo zavatra iray ihany.

Ny fahafatesana dia tsy manao amin'ny olona iray afa-tsy ny manova ny toeram-ponenany. Tsy manova ny natioranareo izy. Tsy manova ny finoanareo izy. Tsy manova na inona na inona ao aminareo afa-tsy ny toeram-ponenanareo izy.

⁷⁰ Noho izany, na inona na inona natioranareo izao maraina izao! Raha mpisalasala amin'ny Tenin'Andriamanitra ianareo, dia ho mpisalasala ianareo any. Tsy ahoako na masina toy ny ahoana ianareo, ahoana no iainanareo, ary tsara toy ny ahoana no iainanareo, tsy hanova anareo izany na kely aza rehefa maty, ny toeram-ponenanareo fotsiny. Ary raha tsy mety manaiky ny Tenin'Andriamanitra manontolo amin'ny fomba nanoratana Azy ianareo, dia tsy hanao an'izany ianareo Any; noho izany, aza manahy, fa tsy ho Any ianareo.

Tsy maintsy manaiky Azy amin'ny Fahafenoany ianareo, ao amin'ny herin'ny Fanamarinany sy ny fanambarana ny amin'ny maha-izy Azy, amin'izay fotoana izay ianareo vao lasa ampahany amin'Izany. Ny Teniny irery ihany no Hatsangany, tahaka ny Nanaovany ny Teniny tamin'ny maraina voalohan'ny Paska. Ny Teniny irery ihany no nivoaka, ary ireo izay maty tao amin'ny Teniny, nino ny Teniny ary nanamarina ny Teniny.

⁷¹ Mariho, ankehitriny, izany dia fitonjato sy roa arivo taona lasa. Mariho, nihahaka izy ireo, nohajambaina izy ireo, ary ankehitriny dia nangonina izy ireo. Ankehitriny, ny zavatra manaraka dia tsy maintsy mandray ny Fiainana izy ireo.

⁷² Ary nantsoina hivoaka ireo Jentilisa. Vonona ilay Ampakarina. Antomotra ny Fampakarana. Afaka mahalala an'izany ve isika? Afaka mino an'izany tokoa ve isika? Tantara iray izay voalaza ve izany? Angano ve izany, amintsika? Zavatra iray izay tena misy ve izany? Zavatra iray ve izany izay isika, any ivelany, dia afaka mino? Sa, zavatra iray izay ao anatintsika

izany, ampahantsika izany, hoe izany dia mihoatra lavitra noho ny aina amintsika? Toetra inona no ipetrahantsika, izao maraina izao, ato amin'ity tabernakla ity? Tsarovy, ho ondry vitsy no handray an'Izany.

⁷³ Ankehitriny ao amin'ilay tanindrazana, miandry an'ireo Trompetra. Ankehitriny miandry ny fandehanan'ilay Ampakarina kely, mba hahafahan'ny Apokalypsy 11 ho tanteraka. Efa nitsahatra ny taonan'ny fiangonana; efa nosokafana ireo Tombokase, izay nanaporofa an'izay navelan'izy ireo tao amin'ny taonan'ny fiangonana, ary efa nomena ny Hafatra. Eo amin'ny sehatra i Isiraelly, haleloia, vonona ho an'ny Fetin'ny Trompetra.

⁷⁴ Oh, ianareo lehilahy any amin'ny firenen-kafa izay handrenesanareo an'ity horonam-peo ity, tsy afaka mifoha ve ianareo, ry rahalahiko? Sa, manajamba anareo Izany? Harianareo ve Izany ka hiantso an'Izany hoe faminaniana sandoka? Nefa, voamarina mihitsy eo anatrehanareo Izany, tamin'ny alàlan'izao tontolo izao, tamin'ny alàlan'ny fotoana, tamin'ny alàlan'ireo olona, ary tamin'ny alàlan'ny Fanahy Masina Izay nanoratra Azy. Voamarina Izany, sady ara-nofo, no ara-panahy, no ara-materaly. Ny zavatra rehetra izay Nolazainy dia tanteraka ary voaporofa.

⁷⁵ Isiraelly ao amin'ny taniny; nanosika azy ireo hiditra tao, niandry azy ireo tao, tahaka ny ondry. Nanenjika azy ireo ny amboadia ary namerina azy ireo ho voaaro, ho any amin'ny taniny manokana. Tsarovy, Isiraelly dia nampanantenaina ho voatahy raha mbola tao amin'ny taniny fotsiny ihany izy. Andriamanitra tsy nitahy an'i Isiraelly mihitsy tany ivelan'ilay tany. Nandeha tany ivelan'ilay tany i Abrahama, dia voahozona izy. Ny olona rehetra izay mandao an'ilay tany dia voaozona. Afaka mitahy an'Isiraelly Andriamanitra rehefa mijanona ao antanindrazany fotsiny ihany izy, ary ao izy ankehitriny amin'ny maha-firenena iray. Ary antsoina ilay Fiangonana; miandry ny Fampakarana fotsiny ihany izy, ny Ampakarina ho raisina.

⁷⁶ Misokatra ireo Tombokase. Voambara tamintsika izany. Hitantsika izay navelan'izy ireo. Ianareo izay te-hiady hevitra sy hifamaly mikasika ny taranaky ny menarana, sy ny batisan'ny rano, sy ny sisa, dia nohajambaina ianareo ary tsy mahafantatra an'izany. Ny andriamanitr'ity izao tontolo izao ity no nanajamba anareo, ny amin'Izany, nefo tsy fantatrareo izany. Tsy mahagaga raha nanana fotoana tahaka an'izany aho aninkeo maraina, niady tamin'ireo fanerena ireo!

⁷⁷ Mba hahafahan'ireo mpaminaniny ho voambara amin'izao andro farany izao; dia tsy azo natao izany, tamin'ireo Trompetra, ny...tamin'ny Fetin'ny Trompetra.

⁷⁸ Nilaza Izy, tamin'ny alàlan'i Hosea hoe, "Izaho no namely." Ankehitriny diniho, Isiraelly no Iresahany. "Izaho no

namely,” na amin’ny teny hafa dia, “Izaho no nandrantsana, nandrantsana azy ireo, tamin’ny alàlan’ireo mpaminany.” Izany no anaovan’Andriamanitra ny Olony. Norantsanany hiendaka amin’ny sisa amin’ireo firenena izy ireo. Amin’ny alàlan’ny inona? Ny Sabany roa lela, ny Teniny. Norantsanany izy ireo, ny Fireneny, hiala amin’ireo firenena. Norantsanany hiala amin’ireo firenena ny Fireneny, amin’ny alàlan’ireo mpaminany, ny Teniny voamarina.

Toy izany koa no Nandrantsanany ny Ampakariny niala tamin’ireo anaram-piangonana, tamin’ny alàlan’ny Teniny; nampanantenain’i Malakia 4, amin’ny andro farany. Nandrantsana ny Ampakariny, namely Azy hiala amin’ny sisa amin’ireo fiangonana! Namely ny Ampakariny!

⁷⁹ Nandrantsana Izy, ireo Mpaminaniny; tamin’ny alàlan’ny, niaraka tamin’ireo Mpaminaniny, tamin’ny alàlan’ny Teny izay nandrantsana an’i Isirael. “Saraho amin’ny sisa amin’izy ireo ny tenanareo.”

Jereo izy ireo rehefa te-hanao tahaka ny sisa tamin’izy ireo. Nanatona ny mpaminany izy ireo, Samoela. Hoy izy hoe, “Efa mba naka ny volanareo ve aho? Efa mba niteny zavatra iray taminareo ve aho, tamin’ny Anaran’ny Tompo, ka tsy nitranga?”

Hoy izy ireo hoe, “Tsia, izany dia, izany dia marina, saingy mbola mila mpanjaka iray ihany izahay.”

⁸⁰ Izany no fomba nataon’ireo fiangonana. “Oh, mino ny Teny izahay. Tsara daholo izany, saingy, fantatrareo, izy ireo dia milaza fa izahay dia tokony hanao an’izao.” Tsy ahoako izay lazain’izy ireo. Ny Teny no marina!

Miandry. Nandrantsana azy ireo Izy, tamin’ny alàlan’ireo mpaminany.

⁸¹ Amin’ny firy izao, rahalahy? Amin’ny firy izao, ry mpitoriteny? Hitanareo ve ilay oran’ny andro, sy ny famantaranana izay iainanareo eo ambaniny? Mety ho azonareo ve izany? Hitanareo ve izany?

⁸² Na aiza na aiza ankehitriny, dia tsy misy fifohazana. Ny olona rehetra dia mitaraina, ireo mpitoriteny mitomany. Izaho dia efa namaky ny anankiray tamin’ireo—ireo gazety malaza izay tonga eto amin’ny fiangonana, gazety tena mahafinaritra iray. Ary fantattro ilay mpanoratra, ary fantattro ireo olona. Ary olona masina izy ireo, tena mahafinaritra, Rahalahy sy Ranabavy Moore, avy ao amin’ny *Herald of His Coming*. Anankiray amin’ireo gazety mahafinaritra indrindra eny amin’ny saha, *Herald of His Coming*. Saingy sarotra ho azy ireo ny hanonta zavatra iray raha toa ilay izy ka tsy hoe, “Mifadia hanina, mivavaha! Mifadia hanina, mivavaha! Tsofy ny trompetra! Aoka...” Firy no mamaky an’izany? Fantatrareo. Mahita an’izany foana ianareo, “Mifadia hanina, mivavaha! Mifadia hanina, mivavaha!” Izay ihany no renareo. “Mifadia

hanina, mivavaha! Hanana andro iray lehibe hiposaka isika! Hisy zavatra lehibe iray hitranga! Ianareo rehetra, mivavaha, mivavaha, mivavaha! Tsy mbola tara loatra isika!”

⁸³ Nahoana izy ireo no manao an’izany? Nahoana izy ireo no manao an’izany? Mila fifohazana iray lehibe izy ireo. Miantsoantso izy ireo, mino fa hisy fifohazana. Olona tsara izy ireo. Nahoana no izany ilay izy? Inona no nataon’izy ireo? Tsy fantatr’izy ireo ilay fifohazan’ny Ampakarina. Hitanareo? Amin’ny alàlan’ny maha-Kristiana iray, dia afaka mahatsapa ny fisintonan’ilay ora izy ireo, saingy tsy fantatr’izy ireo izay efa vita. Izany no manao azy ireo hahatsapa tahaka an’izany. Mahafantatra izy ireo fa misy zavatra izay natao hitranga, saingy, hitanareo, izy ireo dia miandry an’izany ho an’ny andro lavitra ho avy, ho tonga, nef afa mitranga eo akaikinareo mihitsy ilay izy.

⁸⁴ Izany ilay zavatra mitovy tamin’izay nataon’izy ireo tamin’ny andro fahiny. Nino ny fihavian’ny Mesia izy ireo. Nino izy ireo fa hisy mpialoha lâlana iray ho avy. Saingy teo amin’izy ireo mihitsy izany, nef a tsy nahafantatra azy izy ireo. Tsy nahalala azy izy ireo. Mino izy ireo fa ho avy ny mpialoha lâlana iray izay hialoha lâlana ny Mesia, nef a notapahin’izy ireo ny lohany. Ary novonoiny ny Mesiany, satria efa naminaniana fa hohajambaina izy ireo. Hosea no niteny an’izany.

⁸⁵ Ary ilay Fanahy iray ihany, izay niteny tamin’ny alàlan’i Hosea, no niteny tamin’ny alàlan’i Jaona ary nilaza fa ilay fiangonana amin’izao andro farany izao dia “hitanjaka, sy ho jamba, ary hametraka Azy any ivelan’ny fiangonana.” Izy ireo dia diso tamin’ny fahitana ny fahatanterahan’ireo faminaniana ireo. Saingy, satria tao anatin’ tao, dia fantatr’izy ireo fa misy zavatra izay tsy maintsy hitranga. Tsy azon’izy ireo fotsiny izany. Tsy fantatr’izy ireo izany. Tena mitovy amin’ireo Jiosy tamin’ny andro fahiny; Laodikia nohajambaina; manan-karena, teolojia, mankahala an’ilay Fiangonana, mankahala ny Hafatra. Jereo hoe toy ny ahoana no nankahalan’ireo Jiosy ireo an’i Jaona. Jereo hoe toy ny ahoana no nankahalan’izy ireo an’i Jesosy, nef a Izy ilay hany Tokana izay nolazain’izy ireo fa andrasany.

[Manao feo mimonomonona ny fitaovana fanamafisam-peo—Mpand.] Mino aho fa nahapoaka tariby firaka iray isika. Heveriko fa izany dia manapaka ny milina fandraisam-peo, ihany koa. Tsy nanapaka ilay izy. Tena tsara.

⁸⁶ Nankahala ny Hafatra izy ireo.

Ny mitranga, dia ny fitomboana tsy mitsahatra; ny tsirairay avy aminareo rehetra dia singa manafana iray. Tsy misy fomba hihazonana ny fiangonana ho ara-dalàna tanteraka ao anatin’ireo, eo ambanin’ireo fotoana ireo. Satria, hitanareo, ny tsirairay avy aminareo dia valo amby sivy folo BTU’s, [Valo amby telopolo degré Celsius—Mpand.] raha ny tokony ho izy. Ary tsy

mipetraka fotsiny eo tahaka an'izao ianareo; mamoaka hafanana tsy an-kitsahatra ianareo. Misy rivotra ampy ato ankehitriny mba hampangatsiaka ny toerana. Saingy, miaraka amin'ilay singa manafana izay mivoaka, ianareo—ianareo dia tsy mahavita an'ilay izy.

⁸⁷ Mariho, mankahala! Fa, ankehitriny, tahaka an'ireo Jiosy fahiny, nohajambaina! Ao Laodikia izy ireo. Izy ireo dia “mitanjaka, ory, mahamantra, nefà tsy mahafantatra an'izany.” Andron’ny mpanan-karena, fampianarana ara-teolojia malaza, fianarana malaza, ary ankehitriny dia lasa mankahala ny Hafatra izy ireo. Tsy mila manao na inona na inona amin’Izany izy ireo, tena tahaka ny tamin’ny andro tany aoriana mihitsy rehefa tety an-tany Jesosy avy any Nazareta.

⁸⁸ Ny antony nahatonga an'ireo olona, tamin’ny andron’i Noa, tsy nidiitra tao anatin'ilay sambofiara, dia satria tsy fantatr’izy ireo mihitsy na ilay hafatra na ilay iraka. Izany no antony tokana nahafaty azy ireo, dia satria tsy fantatr’izy ireo ilay ora izay niainany. Tsy fantatr’izy ireo fa Andriamanitra dia handray fepetra ny amin’ny fahotana araka ny Nampanantenainy fa Hataony. “Izy dia handripaka ny olona, hiala amin’ny tavan’ny tany.” Izy no naminany an'izany. Izy no nanapaka an'izany. Ary Izy no manapaka an'izany amin’izao andro izao tahaka ny Nataony tamin’izany ihany.

⁸⁹ Fa ny olona, raha tokony nankasitraka an’i Noa, dia noraisina ho olon-dia iray izy. Tsy nino azy ho mpaminany iray izy ireo. Fantatrareo, Jesosy, ny Tenany Manokana, no niteny tamintsika hoe toy ny ahoana no namingavingan’izy ireo tamin’ny andron’i Noa, naneso azy, niantso azy ho fanatika sy inona koa. Fa tsy nahafantatra ny orany izy ireo. Tsy nahafantatra an'ilay andro izy ireo. Tsy nahafantatra an'ilay famantarana izy ireo. Tsy nahafantatra an'ilay hafatra izy ireo. Tsy nahafantatra an'ilay iraka izy ireo, fa nanala azy teo afovoan’izy ireo ka naneso azy. Hoy Jesosy hoe, “Tahaka ny tamin’ny andron’i Noa!”

⁹⁰ Miaraka amin’ny Isiraely ao amin’ny taniny, ary ny zavatra rehetra dia tafapetraka ankehitriny, ary ny Hafatra dia miditra tanteraka mihitsy, dia andro inona no iainantsika, rahalahy? Aiza ho aiza isika izao?

⁹¹ Tsy fantatr’izy ireo ilay andro. Tsy nahafantatra izy ireo. Izay no antony nahadiso azy ireo an'ilay izy, satria tsy fantatr’izy ireo izany. Izy ireo tamin’izany andro izany dia tahaka ny, ny ankamaroany dia tahaka ny olona amin’izao andro izao ihany, nohajambainy porofo ara-siantifika, ny rafitra ara-pianarana, ny seminera ara-teolojia. Ary ireo zavatra izay nanajamba azy ireo tamin’izany andro izany, dia izany no manao an'ilay zavatra iray ihany amin’izao andro izao. Izany no nanajamba azy ireo, indray.

⁹² Ary, izao koa, ny fahatsorana, fahatsoran'ilay hafatra sy ilay iraka! Tsy siantifika i Noa. Tsy lehilahy nianatra izy. Mpiompy mahanttra iray izy, manetry tena, niaraka tamin'ny hafatra tsotra iray. Tena tsotra loatra izany ho an'ny fianaran'izy ireo ambony.

Dia toy izany koa ilay izy amin'izao andro izao! Andriamanitra dia manao an'ilay izy ho tsotra foana, mba ho tonga eo amin'ny olona izay hino sy hahatoky Azy. Ilay izy dia hafa, Hafatra iray hafa fotsiny, saingy ilay Andriamanitra iray ihany. Ankehitriny dia tiako ianareeo hino an'Izany sy hahazo fa Andriamanitra no niteny an'Izany.

⁹³ Jesosy no nilaza fa izy ireo dia namingavinga ny Mpaminaniny, Noa. Ary raha namingavinga izy ireo tamin'izany andro izany, dia ho toy izany koa no hataon'izy ireo indray amin'ny Fihaviany. Hanao an'ilay zavatra iray ihany izy ireo.

Izay no antony nampilentika an'ilay Farao tao anatin'ny ranomasina. Tsy nahafantatra ny androny mihitsy izy. Tsy fantany mihitsy izay niseho. Tafalentika loatra tao anatin'ireo zava-bitan'ilay taona siantifikany izy, mba hanorina tanàna amin'ireo asan'ny andevo. Izay dia tena—tena be raharaha loatra, ny hahafantatra an'ilay fanararaotra izay nananany, ka nandroaka an'ilay mpaminany-irak'Andriamanitra tany anefitra. Tsy nahafantatra azy izy. Izay no antony nahatonga an'ireo zavatra ireo nandeha tamin'izay nalehany. Tsy nahafantatra an'izany mihitsy izy. Raha mba nahafantatra fotsiny an'ilay Tenin'Andriamanitra nampanantenaina mantsy izy, ho an'io vahoaka io!

⁹⁴ Ary raha mba nahafantatra fotsiny mantsy ireo fiangonana amin'izao andro izao, raha mba nahafantatra fotsiny an'ilay Tenin'Andriamanitra izay nanao an'ity teny fikasana ity ho an'izao ora izao mantsy ireo fiangonana, ho an'ny olona, dia tsy ho levona izy ireo.

Raha nahafantatra fotsiny an'ilay lalàm-panorenana izay nataony mantsy i Amerika, dia tsy ho nanaiky hanala an'ireo Baiboly tao amin'ireo sekoly izy, nanala ny Anaran'Andriamanitra teo amin'ireo vola madinika, ary nanome tokim-pankasitrahana tamin'Andriamanitra. Saingy tsy nahafantatra an'izany izy. Nahoana? Jamba izy, mitanjaka. Tsy afaka nahafantatra ny ràn'ireo zazalahy sarobidy izay maty teny amin'ny saha izy ho an'izao tombontsoa izao. Adino izy ireo; vovoka izy ireo.

⁹⁵ Fa misy Anankiray Izay mahatsiaro an'ilay fandrarahandrà an'ireo mpaminany, ny vidiny izay nilain'izany hitondrana an'ity Filazantsara ity ho antsika amin'izao andro izao. Toy ny ahoana ireo an'arivony izay nohanin'ny liona, ary natsipy tao an-dava-biby, notsofaina nisaraka, nodorana, nohomboana! Mahafantatra an'izany Andriamanitra.

Ny fiangonana no nanadino an'ireo mpaminaniny. Izy ireo dia "tsy mila azy ireny intsony," hoy ny filazan'izy ireo. Fa Andriamanitra dia mahafantatra fa tsy maintsy hanana an'izy ireo Izy; mameley ny Olony amin'ny alàlan'ny Teniny Izy. Saingy fomba tranainy loatra Izany ho azy ireo ao amin'izao andro izao. Tsy mahafantatra an'Izany izy ireo. Izay no antony mahatonga azy ireo ao amin'ny toerana izay misy azy ireo. Izay no antony hoe izy ireo dia "mitanjaka, ory, jamba, mantra, nefo tsy fantany izany," satria tsy mahafantatra ny ora izay iainantsika izy ireo. Tsy voamarik'izy ireo izany.

⁹⁶ Mosesy, nahafantatra ny androny sy ny antsony izy, rehefa hitany fa voamarina ilay fampanantenan'ny Tenin'Andriamanitra ho an'izany andro izany. Nahafantatra izy tamin'izany, ary nahalala hoe iza izy ary inona no tsy maintsy nataony, tamin'ny alàlan'ny Teny nampanantenaina. Noho izany dia tsy natahotra an'izay nolazain'ny olona izy. Tsy menatra ny amin'ny hafany izy, na dia ny mpisorona rehetra sy ny farao rehetra, ny zavatra rehetra, ny fahefana rehetra, aza dia tsy niray hevitra taminy. Fa nahafantatra izy rehefa hitany ilay Hazavana, ilay Andry Afo izay nihantona tao anatin'ilay roimemy, ka niresaka taminy ny Teny izay nampanantenaina ho an'izany andro izany, ka nanao hoe, "Izaho no niantso anao handeha hanao an'izany." Izy dia tsy natahotra an'ireo—ireo fandrahonana lehibe an'ilay mpanjaka. Nidina izy hitondra an'ireo vahoaka ireo ho amin'ny fifindrana iray, araka ny nampanantenain'ny Tenin'Andriamanitra.

⁹⁷ Teo am-pahitana an'ilay teny fikasana voamarina, dia nanao ny vahoaka ho vonona ho an'ny fifindrany izy. Oviana? Rehefa nahita an'ilay fampanantenan'Andriamanitra voamarina izy. Tsarovy, nandositra niaraka tamin'ny teolojiany izy; nandositra niaraka tamin'ny fiofanany izy. Fa rehefa nahita ny Tenin'Andriamanitra tonga voaseho izy, dia nahita an'Izany voamarina izy, "IZAHO IZAY IZY NO IZY," tamin'izay fotoana izay dia tsy nahoany izay nolazain'ny olona. Tsy natahotra an'izay hataon'i Farao aminy izy. Tsy natahotra an'izay hataon'ny sisa amin'izy ireo izy. Natahotra fotsiny an'Andriamanitra izy, sao mety tsy hahazo an'Andriamanitra izy, na fomba iray mety tsy hahazoany an'Andriamanitra. Tsy natahotra ny olona izy sy izay ho lazain'izy ireo na izay hataon'izy ireo. Natahotra an'Andriamanitra fotsiny izy, taorian'ny nahafantarany fa izany no Tenin'Andriamanitra.

⁹⁸ Tsy nety azony hoe ahoana no olona iray tahaka azy no hirahina ho any. Saingy rehefa nahafantatra izy, tamin'ny alàlan'ny Teny voamarina, hoe inona ilay izy, tamin'izay fotoana izay dia tsy natahotra an'ireo didin'ilay mpanjaka izy. Raha hahafantatra fotsiny mantsy ianareo, raha afaka mahafantatra fotsiny mantsy isika androany! Nahafantatra an'izany i Mosesy rehefa nahita ny Teny voamarina izy, nahita

an'ilay fanamarinana vita porofo, vonona ho an'ilay fifindrana ho an'ny olona Izy.

Joba dia tsy nahafantatra mihitsy hoe Andriamanitra izany. Raha mbola ny devoly foana no afaka—afaka manao anareo hino indraindray hoe ireo fizahan-toetra kely izay andalovanareo dia—dia Andriamanitra no mety...manasazy anareo! Izany no Andriamanitra miezaka maneho zavatra aminy. Tsy nahafantatra an'izany mihitsy i Joba raha tsy efa nahita fahitana iray izy. Tahaka an'i Mosesy; rehefa nahita an'ilay fahitana i Mosesy, ilay Andry Afo tao anatin'ny roimemys, dia voamarina izany. Ary rehefa...

Joba, tao amin'ny fanontaniany hoe, "Raha maty ny olona iray, dia afaka ny ho velona indray ve izy? Hitako ny hazo maty, nefä velona indray izy. Hitako ny voninkazo maty, nefä velona indray izy." Izany no fanontaniany. "Fa mandry ny olona, manolotra ny fanahy izy, dia levona izy. Tonga ireo zanany ka misaona, nefä tsy hitany izany. Oh, mba hanafina ahy ao am-pasana anie Ianao mandra-pandalon'ny Fahatezeranao!" Tsy nety azony hoe nahoana ny voninkazo iray no maty nefä velona indray, ahoana no hiendahan'ny ravina iray avy eo amin'ny hazo, latsaka, ary mandry eo amin'ny tany, nefä miverina indray amin'ny lohataona. Hoy izy hoe, "Mandry ny olona, ary aiza no alehany? Mino an'Andriamanitra aho; fa inona no manjö ny olona?"

⁹⁹ Fa avy eo indray andro dia nanomboka nanjelatra ny tselatra, nanomboka nierona ireo kotrokorana, tonga teo amin'ilay mpaminany ny Fanahy. Ary hitany ny fihavian'ny Lehilahy iray Izay afaka nametraka ny Tànanay teo amin'ny lehilahy mpanota iray, sy Andriamanitra masina iray, ary nanao tetezana teo amin'ilay lâlana. Tamin'izay fotoana izay izy dia nihiakiaka hoe, "Fantatro fa velona ny Mpanavotro! Na dia handrava an'ity vatana ity aza ireo kankan'ny hoditra, dia mbola hahita an'Andriamanitra amin'nynofoko aho!" Fantany hoe inona ilay fitsangana.

¹⁰⁰ Balama dia tsy nahafantatra an'ilay Anjely mihitsy raha tsy niteny tamin'ny fiteny tsy fantatra ilay ramole. Tsy afaka nahafantatra i Balama fa Anjely iray no nitsangana teo amin'ny lâlany. Ny mpitory teny jamba iray dia tsy afaka mahafantatra fa Andriamanitra no nitsangana teo amin'ny lâlany, miezaka manakana azy tsy hivarotra ny fanomezam-pahasoavany amin'ny vola. Ary rehefa niteny tamin'ny feon'olombelona ilay ramole, dia tamin'izay fotoana izay i Balama vao nahafantatra fa Anjely iray no nitsangana teo amin'ny lâlany, niezaka nanakana azy tsy hanao an'izay nataony.

¹⁰¹ Oh, ianareo anaram-piangonana jamba! Raha afaka mampiasa ramole iray Andriamanitra, izay moana, mba hiteny

amin'ny fiteny iray izay tsy fantany, mba hanambara amin'ny mpitoriteny iray fa any ivelan'ilay lèlana izy, dia tsy afaka hampiasa lehilahy iray ve Izy hanao an'ilay zavatra mitovy? Olona nohajambaina!

¹⁰² Raha nahafantatra ny androny fotsiny mantsy i Ahaba, dia tsy ho nanozona an'ilay mpaminany mihitsy izy, Mikaia, niaraka tamin'ny Tenin'ny fikasan'Andriamanitra ho azy.

¹⁰³ Rehefa nitsangana teo i Ahaba tamin'io andro io, izy sy—sy Josafata. Ary rehefa nanana mpaminany efajato izy ireo teo izay naminany, nanao hoe, "Miakara! Mety daholo ny zavatra rehetra. Ry Ahaba, miaina ao anatin'ny fahotana ianao. Nanao anay ho anaram-pianganana malaza ianao! Olona malaza izahay. Asam-panompoana malaza izahay. Indreto izahay, mpisorona efajato voahofana, na mpaminany. Efajato izahay, voahofana tao amin'ny Teny sy ny teolojia. Fantatray daholo ny mikasika an'Izany."

¹⁰⁴ Noho izany, ankehitriny, izany no nanaporofo fa tsy nahafantatra ny rehetra mikasika an'Izany izy ireo. Ilay lehilahy izay nantsoin'zy ireo hoe lehilahy adala iray, tao amin'ny taranaka talohan'zy ireo, Elia, ilay mpaminanin'Andriamanitra marina, no efa naminany hoe, "HOY NY TOMPO HOE, 'Ny alika no hilelaka ny rànao, ry Ahaba!'" Hitanareo?

¹⁰⁵ Fa ireo mpisorona ireo, ireo mpaminany nataon'olombelona, dia nieritreritra fa nanana an'Izany voalamina tsara mihitsy izy ireo. Hoy izy ireo hoe, "Abrahama Ray...na, Ahaba Ray, miakara! Momba anao ny Tompo. Manana ny Soratra ianao, satria Andriamanitra no nanome an'io tany io ho an'ny Israely. An'ny Israely io. Miakara! Momba anao ny Tompo." Oh, oadray!

¹⁰⁶ Saingy, fantatrareo, Josafata, anankiray izay nifangaro tamin'ny fahotana tahaka ny nataon'i Ahaba, izy dia nahita an'ireo zavatra hafa kely. Hoy izy hoe, "Tsy misy anankiray hafa ve?"

¹⁰⁷ Hoy izy hoe, "Manana anankiray izahay eto, saingy halako izy." Hitanareo? Inona no nataon'Andriamanitra? Mandrantsana ny Olony, miaraka amin'ny mpaminany iray, indray. "Halako izy. Tsy manao afa-tsy ny manozona ahy foana mihitsy izy. Ary ianao dia mahafantatra fa lehilahy malaza iray aho. Tsy ho nanao an'ity seminera eto ity aho raha tsy mpino malaza iray aho. Manana lehilahy tsara hofana aho. Izaho no nametraka azy ireo tao niaraka tamin'ireo boky sy Baiboly, ary ny zavatra hafa rehetra, mba hampianatra an'izao. Ary fantatroy fa lehilahy malaza izy ireo."

Fa raha mba fantatr'i Ahaba fotsiny mantsy hoe iza io zalahy io, ity lehilahy kely ratsy tarehy ity, ilay zanak'i Jimla, nitsangana teo, niteny taminy hoe, "HOY NY TOMPO HOE," dia tsy ho nanao an'io fahadisoana mahafaty izay nataony io mihitsy izy. Saingy nanozona an'i Mikaia izy. Izy tsy nanao mihitsy . . .

Oh, ry olona, fantaro ilay taona izay iainanareo! Jereo izay nitranga. Jereo izay nampanantenaina. Fantaro ilay andro izay iainanareo.

¹⁰⁸ Raha ny fiangonana anaram-piangonana amin'izao andro izao mantsy no mba afaka mahafantatra fotsiny hoe nahoana izy ireo no voaozona, ka mitsoaka miala aminy ireo mambrany, tahaka ny Isirael nivoaka tao Egypta! Raha mba hitsahatra tsy hanozona an'ireo horonam-peo fotsiny mantsy ireo anaram-piangonana, ka hihaino azy ireny! Ary ianareo, mpitroy teny, izay mihaino an'ity horonam-peo ity, mihainoa ianareo! Raha fantatrareo fotsiny mantsy ilay ora izay iainanareo, raha fantatrareo fotsiny mantsy ilay famantaran'ny fotoana, dia ho hitanareo hoe nahoana ny olona no mandositra miala amin'ireny anaram-piangonana ireny. Ny Fanahin'ny Tompo, izay miantso! “Tsy misy olona afaka manatona Ahy,” hoy Jesosy, “raha tsy ny Raiko no mitarika azy. Ary ny rehetra izay ny Ray no, fotoana efa lasa, nanome Ahy, no hanatona.”

¹⁰⁹ Tahaka an'ilay vehivavy kely teo amin'ny fantsakana, sy ilay mpisorona, samihafa toy ny ahoana izy ireo! Ilay sora-tànanana dia eo amin'ny rindrina amin'izao andro izao, indray. Hitani'zy ireo izany, saingy tsy fantatr'izy ireo izany.

¹¹⁰ Raha mba fantatr'ireo Jiosy fotsiny mantsy ilay famantaran'ny Mesiany nampanantenaina, araka ny mpaminaniny farany! Hoy ny Malakia 3 hoe, “Indro, Izaho maniraka ny Irako eo Alohaloko, sy hanamboatra ny lâlana.” Nefy izy ireo dia nilaza fa niandry Azy izy ireo.

¹¹¹ Toy ny inona ilay—toy ny inona marina ilay mirazotra hatramin'ny—amin'izao andro izao! Milaza izy ireo fa miandry zavatra hitranga izy ireo. Ireo fiangonana rehetra dia mivavaka sy mifady hanina, ka manao hoe, “Ankehitriny ndao isika hivavaka. Ndaoo isika hikambana. Tsy maintsy hanana zavatra iray lehibe hitranga isika. Fantatsika fa hisy zavatra lehibe hitranga. Tsy maintsy ho vonona ilay Fiangonana.” Izany no ivavahan'zy ireo.

¹¹² Izany no nivavahan'zy ireo tany. Ary tonga teo i Jaona Mpanao-batisa. Satria, nandà ny semineran'zy ireo izy, satria nanao izay nifanohitra tamin'izay nampianarin'ny razan'zy ireo izy. Nivoaka avy tany an-efitra izy tsy nanana fianarana. Nivoaka tsy nanana vozon'akanjo nivadika izy, tahaka ny hilazana azy amin'izao andro izao. Nivoaka tsy nanana andiana teolojia goavana iray izy. Fa tonga izy, nahafantatra tamin'ny alàlan'ny teny fikasan'Andriamanitra fa izy no tsy maintsy nampahafantatra ny Mesia.

Hoy izy hoe, “Mitsangana eo afovoanareo Izy ankehitriny.” Ary nihevitra izy ireo fa adala izy, satria tsy avy tamin'ny sekolin'zy ireo izy. Teo amin'ny rindrina ilay sora-tànanana, nefy tsy fantatr'izy ireo izany. Nilaza izy ireo fa niandry an'izany

Olona izany ho avy izy ireo; nefà dia teo anivon'izy ireo mihitsy Izzy. Ary tsy nahafantatra Azy izy ireo, na dia nilaza aza izy ireo fa niandry Azy izy ireo.

¹¹³ Ilay fitoviana fotsiny, tahaka an'ireo Jiosy, izay misy azy ireo, tahaka an'ireo Jentilisa miaraka amin'ny azy, satria naminaniana ilay zavatra mitovy, zavatra mitovy. Nilaza fa niandry Azy izy ireo. Fa ireo anaram-pianganana ankehitriny ao amin'ilay taonan'ny Jentilisa, Laodikia dia tena jamba tahaka azy ireo, satria (nahoana?) efa naminaniana fa ho izany izy ireo. Tsy maintsy miseho izany.

¹¹⁴ Raha mba afaka nahafantatra fotsiny ny famantarany mantsy i Isirael, dia ho nahafantatra izy ireo fa antomotra ny fotoan'ny fisehoan'ny Mesia. Raha nahafantatra izy ireo!

Fantatrareo, ireo—ireo mpianatra no niteny an'izany tamin'i Jesosy. "Nahoana ireo mpanora-dalàna no milaza, fa, 'Elia dia tsy maintsy tonga aloha'?"

¹¹⁵ Dia hoy Jesosy hoe, "Elia dia efa tonga, fa izy ireo no tsy nahafantatra azy. Efa teto izy, ary efa novonoin'izy ireo izy. Izy ireo dia tena nanao marina tokoa an'izay nolazain'ny Soratra fa hataony."

¹¹⁶ Raha mba nahafantatra fotsiny mantsy izy ireo, fa ilay "fanatika" izay nanozona an'ireo zavatra roa sosona izay nataon'izy ireo, izay nanozona ny zavatra rehetra izay nataon'izy ireo... Hoy izy hoe, "Ianareo mpihatsaravelatsihy! Aza manomboka ny... Bibilava anaty bozaka, ianareo taranaky ny menarana, iza no nananatra anareo handositra ny fahatezerana izay ho avy? Aza manomboka mieritreritra ao anatinareo hoe, 'Manana an'i Abrahama ho rainay izahay. Izahay manana an'ity, itsy, na hafa.' Fa lazaiko aminareo, Andriamanitra dia mahay manangana zanaka ho an'i Abrahama avy amin'ireto vato ireto."

¹¹⁷ Aza manandrana mihevitra fa manana ny Fiombonambe Maneran-tany eo an-tànanareo ianareo, ary ianareo no manana ny mambra tsara akanjo indrindra amin'izany. Andriamanitra dia mahay manangana zanaka avy amin'ireo voalavon'ny lâlan-kely eto hanatanteraka ny Teniny; mpivarotena, mpandeha andàlambe, mpimamo, mpiloka. Mahay manao an'izany Izzy. Mbola Andriamanitra foana Izzy.

¹¹⁸ Anaram-pianganana nohajambaina, tahaka ny Isirael nohajambaina, izy roa dia samy naminaniana ho tahaka an'izany. Maneho aminareo an'ireo mirazotra aho, mandrapahatongako eto amin'ity toerana izay tiako hahatongavana ity ankehitriny. Nohajambaina, tahaka an'ireo—ireo anaram-pianganan'ny Jentilisa an'ny Taonan'i Laodikia, nohajambaina amin'izao andro izao tahaka azy ireo tamin'izany fotoana izany.

¹¹⁹ Ny Taonan'i Laodikia dia natao handray Hafatra iray! Malakia 4 no nilaza fa handray izy ireo.

Saingy inona no andrasan'izy ireo? "Ny anaram-piangonanay no hamokatra an'Izany. Raha tsy avy amin'ny alàlanay Izany, ny Batista, ny Presbyterana, ireo—ireo Assemblées, ny an'ny Tokana, misy ny...raha tsy izahay no mamokatra an'Izany, dia tsy marina Izany."

Zavatra mitovy amin'izay nataon'izy ireo tamin'izany andro izany! Ary tonga izany dia lasa, nefä tsy fantatr'izy ireo izany. Tsy nahafantatra an'izany izy ireo, na dia nananteraka ny Teny rehetra aza izany. Hoy Jesosy hoe, "Izy ireo dia nanao arak'izay voasoratra fa hataon'izy ireo. Dia toy izany koa no hataon'izy ireo amin'ny Zanak'olona," ho lavina Izy.

¹²⁰ Ankehitriny mariho, mitovy ankehitriny ao amin'ny andron'ny Jentilisa, araka ny Soratra nampanantenaina an'ny Malakia 4.

Fa, hoy Jesosy hoe, "Ny Soratra rehetra dia aratsindrimandry, ary tsy misy na dia ny kely indrindra amin'Izany aza ho voasakana tsy ho tanteraka." Tsy misy fomba hanakanana ny Soratra tsy ho tanteraka. Ny rehetra dia tsy maintsy tanteraka. Ary Jesosy no nilaza fa izany no hitranga. Ary eto isika dia mahita an'izany mitranga. Hitantsika izany.

¹²¹ "Hamerina" inona, amin'izao andro farany izao? Ianareo rahalahy ara-anaram-piangonana, henoy! Hamerina ny fetin'ny pentekosta, tany am-boalohany. Tahaka Azy tany am-piandohana, dia ho toy izany koa no hahatafaverina Azy alohan'ny hanenoan'ireo fetin'ny Trompetran'ny Isiraely. Tsy maintsy tafaverina! Misy zavatra tsy maintsy hanao an'izany. Malakia 4 no nilaza fa hamerina indray ny Finoan'ireo ray izany, amin'ireo zanaka, izany no hiseho.

¹²² Raha nahafantatra ny Mesiany i Isiraely, ny famantaranana nampanantenaina, dia tsy ho eo amin'izay misy azy amin'izao andro izao izy ireo. Raha izy ireo no...Fa nahoana izy ireo no tsy nanao an'izany? Tena mampahonena ilay izy. Nahoana izy ireo no tsy nanao an'izany? Satria Andriamanitra no nilaza fa tsy hanao an'izany izy ireo. Firy no mino an'izany, manao hoe, "Amena." [Hoy ny fiangonana hoe, "Amena!"—Mpand.] Andriamanitra no nilaza fa tsy hanao an'izany izy ireo.

Ary ilay Andriamanitra iray ihany no nilaza, ao amin'ny Taonan'ny Fiagonana Laodikia, fa izao no hitranga, ary io ilay izy fa eo anatrehan'izy ireo. Inona no zavatra azon'izy ireo hatao afa-tsý ny manao an'ilay izy?

¹²³ Raha mba nahafantatra fotsiny an'ilay famantaran'ny Mesia nampanantenaina mantsy izy ireo, ilay famantaran'ny Zanak'olona! Tonga tamin'ny anaran'ny Zanak'olona Izy. Ankehitriny, Izy dia tao amin'ny anarana, nandrity ny Taona Pentekotista, tao amin'ny Fanahy Masina, Zanak'Andriamanitra. Ankehitriny, ny zavatra manaraka dia ny Arivo taona, ny Zanak'i Davida. "Zanaka," telo

Andriamanitra iray ihany. Iray ihany, “Ray, Zanaka, Fanahy Masina,” Andriamanitra iray ihany. Zanak’i Davida, Zanak’Andriamanitra... Ny Zanak’i Davida, Zanak’olona, Zanak’Andriamanitra, dia ilay Andriamanitra iray ihany foana, ao amin’ny fanaovana asa telo samihafa fotsiny.

¹²⁴ Toy izany koa “Ray, Zanaka, ary Fanahy Masina” dia tsy Andriamanitra telo, fa ilay Andriamanitra iray ihany ao anatin’ny fizarana telo, fanaovana asa telo, amin’ny maha-Ray, Zanaka, ary Fanahy Masina.

Saingy, tahaka ny amin’izao andro izao, nohajambain’ireo fombaomba tahaka azy ireo tamin’izany fotoana izany, nohajambaina ara-fombaomba, dia tsy hitan’izy ireo izany. Nahoana izy ireo no tsy mety mahita an’izany? Tsy hahita an’izany mihitsy izy ireo. Tsarovy, izany no HOY NY TOMPO HOE.

Hoy ianareo, “Nahoana àry ianao no milaza an’izany?”

Tahaka ny nataon’i Jaona fotsiny, tahaka ny nataon’ny sisa tamin’izy ireo. Misy anankiray miraikitra eto sy etsy, izay tsy maintsy havoaka. Oh, ry ondrin’Andriamanitra, henoy ny Feon’Andriamanitra! “Ny Ondriko mihaino ny Feoko.”

¹²⁵ Ilay vehivavy teo amin’ny fantsakana dia nahafantatra ny androny, tamin’ny alàlan’ilay famantara ny Mesia. Tao anatin’ny endri-javatra ratsy izy. Tsy te-hiadalandala miaraka amin’ireo fiangonana traianiny ireo izy, ny fomba izay nataon’izy ireo. Niaina tamin’ny fomba rehetra izy ireo, sy, ireo zavatra izay nataon’izy ireo, tsy nino an’io karazan-javatra io izy. Fa fantany fa hisy Anankiray ho avy indray andro any. Ilay vehivavy mahantara kely tany, teo amin’ny lèlana mankany amin’ny fantsakana; nahita an’ilay Zavatra izay nandrasany izy, rehefa nanomboka nanambara taminy ny zava-miafin’ny fony Izy, niteny taminy ny fahotana izay niainany.

Hoy izy hoe, “Tompoko, hitako fa Mpaminany Ianao.” Ankehitriny, efa tsy nanana anankiray izy ireo nandrity ny efajato taona. Hoy izy, “Hitako fa Mpaminany Ianao. Ary fantattro fa rehefa tonga ny Mesia dia Izzy no hanao an’ireo zavatra ireo.”

Hoy Izzy hoe, “Izaho no Izzy.”

¹²⁶ Nahafantatra izy. Tsy nisy intsony ny fanontaniana hoe, “Ahoana no Hahafahanao manaporofa an’izany?” Efa voaporofa ilay izy. “Rehefa tonga ny Mesia, dia izao no Hataony.”

Eny, raha izy no afaka nahafantatra an’izany tamin’ny alàlan’ny Soratra, isika ve tsy afaka hahafantatra an’ireo Hazavan’ny hariva sy ilay famantaran’izao andro izao?

“Fantatray fa rehefa tonga ny Mesia dia Izzy no haneho aminay an’ireo zavatra rehetra ireo. Izzy no hiteny aminay an’izao.”

Hoy Izy hoe, “Izaho izay miresaka aminao no Izy.”

¹²⁷ Tsy nisy fanontaniana intsony. Lasa izy nandeha, ary niteny tamin’ny olona hoe, “Avia, jereo! Eto Izy.” Tsy nisy fanontaniana intsony taminy. Nilamina hatreо ilay izy, satria fantany ny andro izay niainany. Fantany ilay izy.

¹²⁸ Toy izany koa no nataon’i Natanaela, Hebreo malaza iray, rehefa hitany ilay famantarana ny Mesia izay nampanantenaina tany; tsy mampaninona na firy na firy ireo mpisorona, na firy na firy ny zavatra hafa sisa.

Inona no nataon’izany? Nanelingelina an’ireo mpisorona izany, ny nahita an’ireo olona nandao ny fiangonana ka lasa. Hoy izy hoe, “Raha misy aminareo manatrika ny Fivorany, dia ho voaroaka ianareo. Handroaka anareo avy hatrany hiala amin’ny anaram-piangonana izahay.”

¹²⁹ Toy izany koa amin’izao andro izao. “Handroaka anareo hiala amin’ny rafi-pandaminanay izahay raha manatrika ny fivorany ianareo.”

¹³⁰ Tsaroanareo ve ilay lehilahy jamba? Tsy afaka namaly akory aza ilay ray sy reny; natahotra izy ireo. Satria, hoy izy ireo hoe, “Ny olona rehetra izay nandeha hijery an’i Jesosy, na—na nanatrika ny Fivorany, dia horoahin’izy ireo.” Fa, ilay lehilahy jamba dia afaka niteny ny amin’ny tenany, izy izay jamba fahiny dia afaka nahita tamin’io fotoana io.

¹³¹ Izaho, izay jamba fahiny, dia afaka mahita ankehitriny. Izaho, izay tsy nahafantatra an’ireo zavatra ireo, dia nampahafantarina ahy Izany tamin’ny alàlan’ny Fanahy Masina. Mba mivotsora, ry anaram-piangonana, satria ho avy izy ireo, na ahoana na ahoana! “Rehefa hakarina miala amin’ny tany Aho, dia hitarika ny olona rehetra ho eo Amiko Aho.”

¹³² Nahafantatra an’izany i Natanaela. Fantany izany.

¹³³ Tahaka an’ireo porofo ara-tSoratr’i Mosesy mihitsy, Teny voamarina. Mosesy dia nahafantatra fa izany ilay teny fikasan’ilay andro, satria ara-tSoratra izany, tsy mampaninona na hafahafah toy ny ahoana aza. Hoy izy hoe, “Iza no azoko holazaina azy ireo... Hilaza amin’izy ireo aho fa nahita Hazavana iray aho teto an-efitra teto. Ahoana no hahafahako hilaza amin’izy ireo ankehitriny fa nisy Hazavana iray teto, ary io Hazavana io no niteny tamiko handeha hidina any?”

Hoy Izy hoe, “Azo antoka, ry Mosesy, homba anao Aho.” Ary tsy izany ihany...

¹³⁴ Tsy naneho ny Tenany Izy tany Egypta; tamin’ny alàlan’ireo fahagagana sy famantarana fotsiny ihany. Fa rehefa Nakambany niaraka izy rehetra, dia niseho teo amin’izy ireo indray Izy, ary nanamarina ny asam-panompoan’i Mosesy teo anatrehan’ilay Voafidy sy nantsoina hivoaka. Rehefa nandrantsana azy ireo ho votsortra hiala amin’ilay firenena io mpaminany io ka

nitondra azy ireo teo amin'ny toerana iray, tamin'izay fotoana izay no niseho indray ilay Andry Afo, ary teo an-tampon'ny Tendrombohitra Sinay.

¹³⁵ Mirazotra amin'izany amin'izao andro izao. Hmm. Amena! Deraina Andriamanitra! Mihoatra noho ny aina izany amiko. Ary manomboka mikisaka ny taonako, ary hitako ilay oran'ny faharatsiana sy tsy fahamendrehana manenika ny firenena sy ny sisa, amin'izay fotoana izay dia mitodika any aoriana aho ary mahita an'izay mitranga. Mitroatram-pifaliana ny foko, mahafantatra fa afaka kelikely dia ho levona ity tabernakely fonenana an'ny tany ity, fa manana anankiray aho izay miandry any ankoatra any. Miezaka misintona vahoaka iray aho, mandrantsana azy ireny hiala amin'ireo zavatra sy ny sisa, misintona azy ireo hivoaka; haneho amin'izy ireo, amin'ny alàlan'ny Soratra, fa mitsangana eo Andriamanitra; miaraka amin'ny fanamarinan'ny Andry Afo, izay hitan'ny an-jatony sy an'arivony, ary naka Azy mihitsy aza, taloha, tamin'ny fakan-tsary iray, isaky ny fotoana, mba hanaporofo an'izany.

¹³⁶ Mitsangana ireo mpaka tahaka. Azo antoka, tsy maintsy atao izany. Nitsangana ireo mpaka tahaka tamin'ny andron'i Mosesy ary nanao an'ilay zavatra mitovy. Hoy Andriamanitra hoe, "Saraho ny tenanao, ry Mosesy. Aza mijanona eo akaikin'izy ireo. Hitelina azy ireo Aho." Ary izao tontolo izao no naka azy ireny. Ary toy izany koa amin'izao andro izao; miverina avy hatrany any amin'izao tontolo izao, teti-dratsy ara-bola sy ny zavatra hafa rehetra. Hitanareo?

¹³⁷ Famantarana ara-tSoratr'i Mosesy! Izy dia—izy dia mpaminanin'Andriamanitra lehibe izay nandeha tany hanafaka azy ireo, ary fantatr'izy ireo izany. Fantatr'izy ireo ilay famantarana. Izy ilay fampanantenana ara-tSoratra marina, voamarina.

¹³⁸ Jesosy no fampanantenan'ny Soratra, voamarina tamin'ilay vehivavy. Na, Izy no Fandikana. Jesosy no Fandikana ny Soratra. Ny Fiainany Manokana no nandika ny Soratra.

¹³⁹ Tsy hitanareo ve ilay Hafatry ny ora? Tsy afaka mahafantatra ve ianareo hoe aiza isika? Ny Hafatry tenany, avy amin'ny Soratra, no mandika aminareo an'ilay ora izay iainantsika. Izany no fandikana.

¹⁴⁰ Hoy Jesosy tamin'ny Isiraely hoe, "Raha mba fantatrareo fotsiny mantsy ny andronareo." Indray mandeha, nipetraka teo amin'ny Tendrombohitra Oliva, dia nitazana Izy, nanao hoe, "Ry Jerosalema, O ry Jerosalema!" Nitomany Izy. Nijery ambany Izy. Nahita Izy.

Tsy hoe fampitahana iray, angamba, fomba iray. Ilay indray hariva, indray maraina, teo amin'ny folo teo, rehefa hitako ilay fiangonana mpivarotena. Ao anatin'ny fonareo ao, dia tsapanareo ilay Fanahy Masina mirotsa-dranomaso.

“Ry Jerosalema, O ry Jerosalema, impiry moa Aho no tehanomba anao. Fa inona no nataonao? Ianao no namono ireo mpaminany izay Nirahiko ho anao. Novonoinao izy ireny.”

Ary ireo Hafatra izay nirahina ho an’ny fiangonana, amin’izao andro izao, dia novonoina tamin’ny alàlan’ireo dogman’ny anaram-piangonan’izy ireo. Ny Soratra dia novonoina tamin’ny alàlan’ireo dogma. Hoy Jesosy hoe, “Raha mba nahafantatra fotsiny ny andronareo mantsy ianareo! Saingy, efa lavitra izany ankehitriny, tara loatra izany ankehitriny.” Dia toy izany koa ny amin’ireo fiangonana!

¹⁴¹ Izaho dia tena mino, amin’ny foko rehetra, fa efa nihoatra an’ilay fanavotana izy. Tsy mampaninona izay tianareo hiheverana an’izany, hevitrareo manokana izany. *Ity* no ahy. Hitanareo? Tsy mila maka ny hevitro ianareo. Fa izaho dia mino fa efa nihoatra ny fanavotana izy, ary izany dia, hatramin’ny dimy na enin-taona lasa. Tsaroako. Tsaroanareo i Chicago. Diniho izay nitranga hatramin’izany, ary diniho fa mitohy mitranga ilay izy. Hitanareo? Tsarovy, eo anoloan’izany ny anarako. Miraikitra eo izany. Izany no HOY NY TOMPO HOE. Jereo raha mandeha izany, mitohy.

¹⁴² Jereo tamin’ny 1933, ahoana no nilazany an’izay hataon’ireo vehivavy amin’izao andro farany izao. Ahoana no nilazany ny olona... Ahoana i Mussolini, ahoana no hahatongavany teo amin’ny fiafarany. Ahoana no hahatongavan’i Hitler eo amin’ny fiafarana mahagaga iray. Ahoana fa ireo isma telo dia hiditra ao anatin’ny kominisma. Ahoana fa ireo milina dia ho tonga, hitovy amin’ny atody iray. Ary ahoana fa ireo vehivavy dia hanao akanjo ary ho tahaka ny lehilahy, ho tahakan’ireo atin’akanjony mihitsy aza; ary ho tonga amin’ny fanaovana ravin’aviavy amin’ny farany, tahaka an’izany, eo amin’izy ireo. Ahoana ilay fanao tsy mendrika, ahoana no hataon’izy ireo amin’izao andro izao. Jereo izay nataon’izy ireo. Ary eo anoloanareo mihitsy izany, amin’izay fotoana izay.

¹⁴³ Raha mba afaka fotsiny mantsy ireo vehivavy Kristiana... ilay antsoina hoe vehivavy Kristiana no mba afaka mahafantatra fotsiny, afaka mahafantatra fa ilay fanahy tsy mendrika eo amin’izy ireo dia avy amin’ny devoly, mba hanao azy ireo hanapaka ny volony. Ny devoly no zavatra tokana hanao an’izany. Mifanohitra amin’ny Tenin’Andriamanitra ho anareo izany, tahaka ny tao amin’ny sahan’i Edena mihitsy. Inona no nataon’izy ireo? Raha mba afaka nahafantatra fotsiny mantsy izy ireo! Miezaka izy ireo milaza hoe, “Oh, io mpitoky teny holy-roller antitra kely io, no miteny!” Tsy izaho izany. Izaho tsy miteny aminareo an’izay hatao. Manonona fotsiny ny Teny aho. Raha mba afaka mahafantatra fotsiny mantsy izy ireo fa ny devoly izany.

¹⁴⁴ Miantso ny tenany ho Kristiana izy ireo. Hoy Jesosy hoe, "Ahoana no hahafahanareo miantso Ahy hoe, 'Tompo,' nefà tsy manao an'ireo zavatra izay Lazaiko fa hatao?" Tsy mety ho Kristiana izy ireo. Tsy izaho no mpitsaran'izy ireo, fa miteny fotsiny an'izay nolazain'ny Teny aho. "Ahoana no hahafahanareo miantso Ahy hoe, 'Tompo,' nefà avy eo dia tsy manao an'ireo zavatra izay Nolazaiko fa hatao?" Ary ny Teny manontolo eto dia ny fanambaran'i Jesosy Kristy. "Ahoana no hahafahanareo miantso Ahy hoe, 'Tompo'?"

¹⁴⁵ Raha mba afaka mahafantatra fotsiny mantsy izy ireo fa ny devoly izany, fanahy tsy mendrika iray. Vehivavy tsara sasany any . . .

¹⁴⁶ Heveriko fa ity no toerana ratsy indrindra izay hany hitako teo amin'ny fainako, Jeffersonville, Indiana, ny amin'ireo vehivavy mitanjaka. Efa tany Hollywood aho. Efa tany rehetra tany aho. Efa nandeha eran'izao tontolo izao aho, ary nahita ny karazan-doto rehetra. Efa nahita an'izany aho tany Paris. Efa nahita an'izany aho tany Angletera, izay lohan'izy rehetra.

¹⁴⁷ Heveriko fa i Angletera dia hilentika ao ambanin'ny ranomasimbe indray andro any. Mendrika azy izany; fahalotoana, loto, mitotongana! Izany no lavapiringa tsy mendrika an'izao tontolo izao, ilay vahoaka mpanohitra ny soratra, mpandà indrindra izay hany hitako teo amin'ny fainako. Lasa izany izy satria nandà ny Fahamarinana izy.

¹⁴⁸ Billy Graham dia nilaza fa tsy maintsy namoaka ny vadiny avy tao amin'ireo zaridaina izy; zavatra ara-pilàn'ny nofo no nisy teo amin'ireo lehilahy sy vehivavy, zazalahy sy zazavavy, tao anatin'ilay saha mihitsy, miharihary. Lasa lavapiringa iray izy; toy izany koa i France, toy izany koa ny sisa rehetra amin'izao tontolo izao. Ary toy izany koa i Etazonia, lasa mpitarika azy rehetra!

¹⁴⁹ Jereo amin'izao andro izao. Manao azy ireny hanapaka ny volony, hanao sorta, pataloa, mifoka, nefà miantso ny tenany ho mpino. Tsy fantatrareo ve, ranabavy, na ry vehivavy . . . Ny tiako lazaina, azafady, tsy hoe ny anabaviko; no manao zavatra tahaka an'izany. Tsy fantatrareo ve fa ny devoly izany? Fa inona . . .

Tahaka an'ireo Jiosy fahiny, tsy hino ny Teny voamarina ianareo rehefa noporofoina taminareo Izany. Hifikitra mihitsy amin'ny fombafomban'ny anaram-piangananareo ianareo izay milaza fa mety tsara daholo izany. Miteny amin'ny fiteny tsy fantatra ianareo, mitsambikina ambony-sy-ambany ianareo, mihira ao amin'ny fanahy ianareo, nefà manapaka ny volonareo. Azonareeo eritreretina ve ny Kristiana iray manao an'izany?

Efa nahita an'ireo devoly aho, efa nahita an'ireo mpampianatra mpamosavy aho, efa nahita azy ireo niteny tamin'ny fiteny tsy fantatra aho ary nandika, sy nitsambikina ambony-sy-ambany ary nandihy tao amin'ny fanahy; nisotro rà

avy tao amin'ny karandohan'olombelona, ary niteny ratsy ny Anaran'i Jesosy Kristy.

¹⁵⁰ Hoy ianareo hoe, "Mikambana an'ny fiangonana aho. Haleloia! Voninahitra ho an'Andriamanitra! Izaho..." Mikambana amin'ny inona ianareo?

Ny Fiangonana dia ny Teny! Ary ny Teny no manao hoe, "Henatra ho anareo ny manao an'izany."

Ianareo andiana Fariseo nohajambaina, izay mitarika an'ireo zaza mahamtra any amin'ny helo tahaka an'izany; satria matahotra ny tapakilan-tsakafonareo ianareo, ary ho voaroaka avy ao amin'ny anaram-piangonanareo ianareo raha manomboka zavatra mikasika an'Izany. Mbà menatra ianareo, ianareo mpihatsaravelatsihy! Aoka ho menatra ny amin'izany. Eo am-pahitana an'ilay ora izay manatona tahaka an'izany, nefà ianareo mihodina miala amin'ny Tenin'Andriamanitra noho ny fombafombanareo. Ahoana no ahasahianareo, ry nohajambaina!

¹⁵¹ Tsy milaza ve ny Baiboly fa nohajambaina ianareo? Tsy mety azonareo ve fa jamba ianareo? Ny Baiboly no milaza fa izany ianareo. "Ary ianao dia mitanjaka, ory, mahamtra, jamba, nefà tsy fantatrao izany." Rehefa mihevitra ianareo fa ianareo no manana ny fiangonana goavana indrindra eo amin'ny tanàna, ary ianareo manao an'ity, *itsy*, na ny *hafa*; nefà ny Baiboly no nilaza fa ianareo dia mahamtra araka izay mahamty anareo mihitsy, dia jamba ianareo. Ary mbola mitsangana eo am-baravarana foana Izy, miezaka ny mivarotra ody maso iray aminareo; tsy hoe mivarotra azy aminareo, fa manome azy ho anareo, nefà ianareo tsy handray an'izany. Izany no manatanteraka ny Soratra.

¹⁵² Andro inona no iainanareo, ry olona? Mahafantatra an'ilay ora ve ianareo, mahafantatra an'ilay famantarana?

¹⁵³ Raha mba nahafantatra fotsiny mantsy izy ireo, ireo vehivavy ireo, fa hoe ny devoly izany. Devolin'ny tsifahamendrehana iray izany, amin'ny anaran'ny fivavahana. Tahaka izany foana izy hatramin'izay. Tonga teo amin'ny mpaminany rehetra izy, tonga teo amin'ny olon-kendry rehetra izy, tonga teo amin'i Jesosy Kristy mihitsy aza izy, tahaka ny olona mpivavaka iray. Ary ny Baiboly dia nilaza fa izy dia "tena hifanakaiky mihitsy amin'ny andro farany," na dia ireo Pentekotista aza, "ary hamitaka an'ilay tena voafidy," avy ao amin'io fiangonana Pentekotista io, "raha azo natao." [Elanelana tsy voaraki-peo—Mpand.]

¹⁵⁴ "Vitsy," hoy Izy, "satria èty ny vavahady ary tery ny lèlana, ka ho vitsy ny hahita azy. Fa tahaka ny tamin'ny andron'i Noa, izay fanahy valo no voavonjy, dia ho toy izany koa amin'ny fihavian'ny Zanak'olona." Eritrereto izany! Andro inona no

iainantsika? Mahafantatra an'ilay ora ve ianareo, mahafantatra an'ilay andro?

Maka betsaka ny fotoananareo aho, saingy mbola manana mititra vitsy. Hitanareo?

¹⁵⁵ Manao azy ireo hanapaka ny volony. Eny, hoy izy ireo hoe, “Tsy miraharaha an’izany ny fiangonanay.” Fantatrareo ve hoe nahoana? Jamba izy ireo.

“Tsy misy maha-ratsy ny fanapahana ny volonareo.” Ny Baiboly no milaza fa misy! Zavatra tsy mendrika aminareo akory mihitsy aza ny manapaka ny volonareo na dia ny mivavaka aza.

Hoy ianareo hoe, “Eny, ny vehivavy iray dia tokony hisarona.” Nefa ny Baiboly no nilaza fa ny “volony” no fisaronany. Tsy hoe satroka iray; ny volony!

¹⁵⁶ Ahoana moa raha hoy i Mosesy hoe, “Ny satroko no hesoriko raha tokony ho ny kiraroko”? Tsy hety izany. Hoy Andriamanitra hoe “kiraro,” dia kiraro no tian’Andriamanitra nolazaina.

Hoy Izy hoe “volo,” fa tsy satroka! Voninahitra ho an’Andriamanitra! Izany no Tiany, azoko antoka. Deraina Andriamanitra! Izay Lazainy no Tiany lazaina. Ny Soratra dia tsy avy amin’ny fandikana manokana. Izany tsy midiaka hoe ho an’ny anaram-piangonanareo fotsiny; Izany dia midiaka an’izay Lazainy, ary Izy no mpandika.

¹⁵⁷ Hoy ianareo, “Izaho mahafantatra vehivavy iray izay manao an’izany.” Tsy ahoako izay fantatrareo. Izaho mahafantatra an’izay nolazain’Andriamanitra mikasika an’izany. Ataovy izay tian’ny tenanareo hatao.

¹⁵⁸ Raha mba afaka nahafantatra fotsiny mantsy izy ireo hoe inona izany, ramatoa. Ah! Raha mba afaka nahafantatra fotsiny mantsy ianareo! Na, “ry vehivavy,” fa tsy ramatoa.

¹⁵⁹ Nahita takela-by iray aho, avy tany Blue Boar, teo amin’ny, mino aho fa Fifth Street tany ilay izy, efitrano fisotroana iray, nanao hoe, “Latabatra ho an’ireo ramatoa.” Nijanona teo fotsiny aho; hoy aho hoe, “Tsy nanana anankiray mihitsy ianareo.” Ny ramatoa iray dia tsy handeha amin’ny toerana iray tahaka an’izany. Vehivavy iray angamba, fa tsy ramatoa iray.

¹⁶⁰ Efa voamarikareo ve, fa ny fahalavoan’izao tontolo izao dia nanomboka tamin’ny faharatsiam-pitondran-tenan’ny vehivavy iray? Fantatrareo ve fa hifarana tahaka an’izany ihany ilay izy, faharatsiam-pitondran-tenan’ny vehivavy? Ary ny fiangonana, ny maneho azy, dia ny vehivavy? Ny fiangonana dia vehivavy iray, amin’ny fiteny ara-panahy.

Dia toy izany koa ny Ampakarina dia vehivavy iray, amin’ny fiteny ara-panahy.

¹⁶¹ Ny faharatsiam-pitondran-tenan’ny fiangonana, toy ny ahoana no nataony! Jereo ireo fahitana, jereo ireo zavatra, jereo

na dia ireo fahitana izay omen'Andriamanitra aza, ary marina izany fahitana izany. Manana ny Baiboliko aho eto amin'ny foko, ho anareo olona eo amin'ny horonam-peo, ary afaka mahita an'izany ny mpanatrika. Nahita an'izany aho! Andriamanitra Tsitoha no mahafantatra fa izany no Fahamarinana. Tsy nahafantatra an'izany mihitsy aho raha tsy izao ankehitriny izao. Io izy fa, "mitanjaka, nefo tsy fantany izany." Nanana ny fotoany lehibe fotsiny izy. Eo ianareeo izao.

Fa rehefa tonga teo amin'ny fijerena ilay Ampakarina kely, dia hafa izany. "Ilay Alfa sy Omega!" Ah-hah.

¹⁶² Ny devoly no manao an'izany. Fa tahaka an'ireo Jiosy fahiny, rehefa hitan'izy ireo ilay Teny . . .

Ary Jesosy no nilaza tamin'Ny, nilaza tamin'ny Mpianany Izy hoe, "Zahao ny Soratra. Ianareo, fantatrareo, sahiran-tsaina ny Amiko sy ny Asam-panompoako ianareo. Zahao ny Soratra. Ao amin'Izy ireo no heverinareo fa hanananareo ny Fiainana Mandrakizay, nefo Izy ireo no manambara Ahy, Izy ireo no milaza aminareo hoe inona ny Hafatiro. Raha tsy mety mino Ahy ianareo, dia inoy ireo tena Teny izay adikan'Andriamanitra aminareo."

¹⁶³ "Tsy hila an'io Lehilahy io hanapaka anay izahay. Manana ny mpisoronay manokana izahay, sy ny sisa." Mandehàna àry, izay ihany no azo lazaina. Tara loatra izao, na ahoana na ahoana. Hitanareo? Ireo fombafomban'ny anaram-piagonana izay milaza fa mety izany, izany no henoin'izy ireo. Aleon'izy ireo mandre . . . Ianareo dia mino ny—ny tenin'ny—ny olona mihoatra lavitra noho ny inoanareo ny Tenin'Andriamanitra. Tsy mahafantatra izy ireo. Ireo fiagonana amin'izao andro izao dia tsy mahafantatra ny Timoty Faharoa 3. Raha ianareo . . .

¹⁶⁴ Mahita ny sasany aminareo aho mandray naoty ny Soratra. Ankehitriny, ireo dia Soratra izay tononiko avy ato mihitsy. Ka, raha sendra misy olona hiantso ny fifantohako amin'izany, na ny tânako amin'izany, dia afaka maneho amin'izy ireo ny Soratra ho an'izany aho. Hitanareo?

¹⁶⁵ Izy ireo dia tsy mahafantatra ny Timoty Faharoa 3, izay Nilazana hoe, "Amin'ny andro farany, ny olona dia ho kirina, mpieboebo, tia ny fahafinaretana noho ny fitiavana an'Andriamanitra, mpanontolo fo, mpanendrikendrika, tsy mahonom-po, ary tsy tia ny tsara (ny Ampakarina), hitanareo; manana ny endriky ny toe-panahy araka an'Andriamanitra, nefo mandà ny Heriny; ireny koa dia alaviro. Fa izany ilay karazana izay mandeha mitety trano, ka mitarika an'ireo vehivavy adaladala, ireo vehivavy adaladala izay tarihin'ny filâna maro, tsy nianatra mihitsy na tsy afaka ny ho tonga mihitsy eo amin'ny fahalalana ny Fahamarinana." Mihitsy! Tsy hanao an'izany izy ireo, ary tsy hanao an'izany mihitsy. Andriamanitra no niteny an'izany.

Ary, ry Fariseo jamba, tsy afaka mahita an'izany ve ianareo? Tsy tezitra aho; mandentika an'ilay fantsika fotsiny aho ary mamekata azy mafy. Ireo fiangonana koa aza dia tsy mahafantatra an'Izany. Tsy mety mahazo an'izany ireo vehivavy. Izy ireo dia natao... “Vehivavy adaladala, izay tarihin’ny filàna maro,” Hollywood, io karazan-javatra rehetra io, volo tapaka, manao sorta, manao lokon-tarehy, io karazan-javatra rehetra io, izay tsy tsara. Fantatrareo ve fa ny vehivavy no milalao ny ampahany lehibe amin’ny andro farany?

¹⁶⁶ Fantatrareo ve fa ny Baiboly dia nilaza, hoe, “Ireo izay afa-nandositra tamin’io ozona lehibe io dia ho sampana iray tsara tarehy eo anatrehan’ny Tompo”? Indray andro any dia hiresaka an’izany aho, raha sitraky ny Tompo, ny amin’izany, ny aminareo vehivavy. Hamela anareo hahita an’izay heverin’Andriamanitra ny amin’ny vehivavy izay tena afa-nandositra an’io ozon’ity andro farany ity io. Hoy Izy, “Ho tsara tarehy izy.”

¹⁶⁷ Nandre vehivavy iray aho, indray andro, naneso... Tovovavy iray, andiany iray an’ireo vavy mitafy tapaka, miaraka amin’ny fitondran-tena ambany noho ny—noho ny renin’alika iray, naneso vehivavy antitra iray niaraka tamin’ny akanjo lava. Henoy eto, ianareo vavy kely mivadi-tsaina ireo, izy dia manana zavatra izay tsy misy fantatrareo ny mikasika an’izany. Manana fitondran-tena izy. Ianareo aza tsy mahafantatra akory hoe inona izany anarana izany. Verinareo tao amin’ny fandrian-jaza izany, saiky. Ianareo aza tsy mahafantatra akory ny tsara sy ny ratsy; izy mahafantatra. Manana zavatra miafina ao am-pony izy izay tsy misy fantatrareo ny mikasika an’izany. Verinareo izany; tsy ho hitanareo intsony izany. Aza miantso azy hoe ntaolo, sy ny sisa, tahaka an’izany. Mahafantatra zavatra izy izay tsy misy fantatrareo ny mikasika an’izany. Izy dia manafina ao am-pony, ny haren’ny fitondran-tena tsara. Ianareo tsy mahafantatra teny anankiray ny amin’izany. Ny mamanareo no nitaiza anareo tahaka an’izao. Ny pasiteranareo namela an’izany; izany no maneho hoe aiza izy no mijoro. Mitory ny aminy mihitsy aho eto ankehitriny. Hitanareo? Hitanareo ve hoe aiza ho aiza no misy anareo, ry fiangonana?

¹⁶⁸ Hoy Jesosy hoe, “Tsy maintsy tanteraka ity Soratra rehetra ity.” Dia tanteraka Izy.

¹⁶⁹ Mariho, “Tahaka an’i Jana sy Jambra nanohatra an’i Mosesy ihany koa,” dia ho avy mihitsy izy, ny sasany amin’izy ireo. Tsy, ankehitriny, izy tsy miresaka ny amin’ny Metodista, Batista, eto; tsy ao anatin’ilay sary izy ireo. Hitanareo? “Fa tahaka an’i Jana sy Jambra nanohitra an’i Mosesy sy Arona, dia ho toy izany koa izy ireo; olona maloto saina mikasika ny Fahamarinana,” simba tao anatin’ny dogma sy fampianaran’ny fiangonana, raha tokony ho ny Baiboly.

Ary avy eo i Jana sy Jambra dia tsy nahavita an'izay rehetra vitan'i Mosesy. Hitanareo, "tahaka an'i Jambra," hitanareo ve ilay mirazotra eo?

"Tahaka an'i Jana sy Jambra nanohitra an'i Mosesy, dia toy izany koa no ataon'ireo olona maloto saina mikasika ny Fahamarinana ireo, manohitra an'Izany," tsy hila an'Izany eo amin'ny mpiara-monina aminy, tsy hiara-hiasa amin'Izany akory aza, tsy hanao na inona na inona mikasika an'Izany. Fa voalaza hoe, "Ho voaseho ny hadalan'izy ireo." Rehefa maka ny Toerany io Ampakarina io ka miakatra ho eny amin'ny lanitra, dia ho voaseho izany, aza manahy; tahaka an'i Mosesy, rehefa naka an'ireo zanak'Isiraely izy, ary naka ny fanidinana hivoaka an'i Egypta, dia rendrika i Egypta. Eny àry.

¹⁷⁰ Hoy Jesosy hoe, "Ny Soratra rehetra dia nomena tamin'ny alàlan'ny tsindrimandry, noho izany dia tsy maintsy tanteraka izany Soratra rehetra izany." Rehefa Izy . . .

Nanontany Azy izy ireo, nanao hoe, "Manao ny Tenanao ho Andriamanitra Ianao."

¹⁷¹ Hoy Izy hoe, "Ianareo, ao anatin'ny lalànareo manokana, dia miantso an'ireo mpaminany izay nahatongavan'ny Tenin'ny Tompo, ianareo dia niantso azy ireny ho 'andriamanitra,' ary izany izy ireo." Hoy Izy, "Koa ahoana no hahafahanareo manameloka Ahy raha milaza Aho fa Izaho no Zanak'Andriamanitra? Ireto Soratra rehetra ireto dia nomena tamin'ny alàlan'ny tsindrimandry; ny rehetra amin'Izany dia tsy maintsy tonga voaseho, ny rehetra amin'Izany dia tsy maintsy tanteraka."

Hitanareo eo, tena jamba fotsiny izy ireo, tena niraikitra loatra tamin'ny tenin'olona izy ireo raha tokony ho niraikitra tamin'ny Tenin'Andriamanitra. Izany no mahatonga an'ireo vehivavy manao an'izany. Izany no mahatonga an'ireo mpitory teny manao an'izany. Miraikitra amin'ilay eveka izy ireo raha tokony ho Jesosy. Miraikitra ao anatin'izany izy ireo, miaraka amin'ny—miaraka amin'ny kitapom-bolany, fiangonana goavana iray.

¹⁷² Jereo fotsiny aho raha mba malaza. Alaivo ireo olona, avy eto Jeffersonville, miaraka amin'ny andiana kely toy ny inona ny avy eto Jeffersonville; alaivo ireo avy any ivelany, an'i Jeffersonville, hivoaka amin'ity tabernakla ity izao maraina izao, izaho tsy hanana na hanana antsasaky ny roa ambin'ny folo hitoriana teny. Inona izany? Izy dia natao avy amin'ny manerana ny firenena rehetra; avy any New York, avy any Massachusetts, hatrany Boston, Maine, Tennessee, Georgia, Alabama, sy ny manodidina ny firenena. Miangona miaraka izy ireo. Amena! Izany no Nolazainy. "Hisy Mazava amin'ny andro hariva."

¹⁷³ Tsy afaka mahafantatra an'ilay Hazavan'ny hariva izy ireo. Izany ilay olana. Tsy mahafantatra an'Izany fotsiny izy. Jamba loatra izy. Ny Baiboly no nilaza fa izany izy.

¹⁷⁴ Rosia dia nahazo ny toerany fotsiny teto amin'izao tontolo izao, ao amin'ny siansa, tsy mihoatra ny efapolo taona lasa akory izay. Fantatrareo, rehefa tonga ny Ady Lehibe Voalohany, izy ireo mihitsy . . . Tsy niraharaha an'i Rosia izy ireo. Rahalahy Roy . . . Andiana tsy mahay fotsiny izy ireo, Siberiana goavana antitra, ny volombava manerana ny tavany, ary tsy nahafantatra ny tànana havanana sy havia. Marina izany, Rosia, saingy nahafantatra ny toerany izy. Tsy maintsy nanao an'izany izy mba hahatanteraka ny Soratra. Fantatrareo ireo faminaniako ny amin'izay nolazaiko fa hitranga, ahoana fa izy rehetra dia hiangona ao anatin'ny kominisma. Ankehitriny dia izy no mitarika an'izao tontolo izao ao amin'ny siansa. Any aoriany lavitra isika. Ny sisa rehetra amin'izao tontolo izao dia aoriany. Izy no mitarika ny toerany. Fantany fotsiny fa izy dia nanana fahaizana, ihany koa.

¹⁷⁵ Mariho, ny olona dia mbola manana ihany an'ireo taovam-panamboloana enina izay efa nananany enina arivo taona lasa izay. Enina arivo taona lasa, niaraka tamin'ireo taovam-panamboloana izay nananany, dia nifandray tamin'ny fonenany eto an-tany izy ary nanompo an'Andriamanitra. Ary ankehitriny, tao anatin'ny dimy amby fitopolo taona lasa, io olona io dia niala avy tao amin'ny soavalysy kalesy, nankany amin'ny sambon-danitra iray. Nahoana? Niala tamin'ny finoany an'Andriamanitra izy, ary namadika an'izany ho any amin'ireo taovam-panamboloany sy ny fahaiza-manaony amin'ny maha-olombelona iray. Efa voamarikarevo ve izany? Nitsahatra tsy nahatoky an'Andriamanitra izy. Mahatoky ny tenany izy.

¹⁷⁶ Tahaka an'ity vehivavy tsy mahatoky ity. Iza moa ilay anarany, tany Washington tany, izay nanova an'io rehetra io? [Misy olona manao hoe, "Murray."—Mpand.] Iza ilay anarany? ["Murray."] Murray, hoy izy hoe, "Raha mbola manana ny tafika sy tafika an-dranomasina foana isika, dia tsy mila an'i Jehovah antitra isika." Ah-hah. Tsy ahoako izay ananantsika.

Izany dia na Jehovah na tsinontsinona, ho ahy. Aleo ny tafika sy ny tafika an-dranomasina ho rendrika, ary ho rendrika izany, fa Jehovah kosa hitoetra mandrakizay. Raha mbola ampahany iray Aminy foana aho, ary Zanany, dia hitoetra miaraka Aminy mandrakizay aho; tsy noho ny antsoko na ny safidiko, fa noho ny Safidiny. Amena, amena! Tsy misy idiran'izany. Izy no Tokana! Na omeo ahy Izy na omeo ahy ny fahafatesana. Aoka hitsangana ireo firenena ka ho lavo; Jehovah no hitoetra. Nataony izany, nandritra ny taona rehetra; rehefa lavo i Roma, rehefa lavo i Egypta, ary ny sisa rehetra tamin'izy ireo dia lavo. Fa mbola mitoetra ho Jehovah foana Izzy. Oh, haleloia! Mahatsapa ho mpivavaka aho.

¹⁷⁷ Ny antony nahatsiarovan'i Rosia tena, dia tsy maintsy nataony izany. Tahaka ny tsy maintsy nidiran'ny Isiraely tao an-tanindrazana. Tsy maintsy nitondra ny Isiraely niverina an-tanindrazana Andriamanitra, ho an'ireo Trompetra. Dia toy izany koa no tsy maintsy nitondran'Andriamanitra an'i Rosia tany, tao amin'ny kominisma, mba hanao tanteraka an'izay naminaniana fa hataony.

¹⁷⁸ Ny olona sy ireo taovam-panamboloany enina dia tonga fotsiny, ny soavaly sy kalesy, nahatoky an'Andriamanitra. Tao anatin'ireo dimy amby fitopolo taona farany, dia nitsahatra tsy nahatoky an'Andriamanitra izy. Rehefa nanasonia an'ilay lalàm-panorenany Etaezonia ity izy ireo, dia napetrak'izy ireo tao amin'ny zavatra rehetra izay nataony Andriamanitra. Ankehitriny izy ireo dia tsy manana na dia favoriana iray akory aza, ary tsy manonona ny Anarany intsony akory aza izy ireo. Marina izany. Miankina amin'ny hahaben'ny siansany izy ireo, izy ireo, ny hafetsifetseny avy amin'ny siansany; andiana mpamitaka iray. Tena marina izany. Izao tontolo rehetra izao dia voatelina ao anatin'ny tsi-fahalalana ny Baiboly. Ny ba-...izao tontolo rehetra izao dia nihodina tamin'Andriamanitra.

Fa, eritrereto fotsiny, avy ao afovoan'izany rehetra izany mihitsy, sy ireo fiangonana anaram-piangonana ary ireo famitahan'ny seminerany rehetra sy ny sisa, dia naka ny Tenin'ireo Mpaminaniny Andriamanitra ka nandrantsana Ampakarina iray izay hino. Nolazainy fa Izy no hanao an'izany. Nendahany avy tao amin'io zavatra io izay Nampanantenainy fa Hataony.

¹⁷⁹ Miankina amin'ny fahalalan'olombelony izy ireo, ny siansan'olombelony, sy ny sisa; nandroaka an'Andriamanitra, Izay nitokiany fahiny. Nanala an'Andriamanitra ny Etaezonia. Nalan'izy ireo nivoaka ny sekoly mihitsy aza Izy, mba tsy hahafahan'ireo ankizy kelintsika handre ny Aminy mihitsy aza. Nalan'izy ireo nivoaka ny sekoly Izy. Ankehitriny izy ireo dia miezaka ny hanala Azy eo amin'ireo dolara hoe, "Andriamanitra no tokinay." Hanala an'izany eo amin'ny tokim-panajana ho an'ilay saina izy ireo hoe, "Firenena iray eo ambanin'Andriamanitra." Hanala an'izany izy ireo.

¹⁸⁰ Hitanareo, izy ireo dia nandeha tamin'ny fihetsehampon'izy ireo manokana sy ny taovam-panamboloan'izy ireo manokana. Satria, tao anatin'ireo dimy amby fitopolo taona farany, dia tsy nanova ny tao amin'ny taovam-panamboloany izy na kely aza, izy dia mbola ilay olona iray ihany izay namorongan'Andriamanitra azy tany amin'ny voalohany.

Fa, amin'izao andro farany izao, tsy azonareo fantarina ve hoe aiza no misy antsika? Ary ny fiangonana dia nihodina, avy tamin'Andriamanitra, ho amin'izany, ho amin'ny seminera sy ny fahatsapana, sy ny sisa, raha tokony ny Teny. Tsy

mahafantatra Azy akory aza ao amin'ny fivoran'izy ireo, ao amin'ny sekolin'izy ireo, na inona na inona, intsony.

¹⁸¹ Israely, tamin'ny dimy amby roapolo taona lasa, dia nahafantatra zavatra izay nitarika azy ireo ho any antanindrazana, araka ny nampanantenaina. Tsy fantatr'izy ireo hoe ahoana no mba nahavita an'izany. Niaritra tahaka ny zavatra rehetra izy ireo, ny fanaovana maritiora, teo ambanin'ireo Trompetra ireo, saingy ao amin'ny tanindrazany izy ireo. Tsy fantatr'izy ireo hoe nahoana.

¹⁸² Nahoana no nifoha i Rosia? Nahoana no nifoha ireo firenena? Nahoana no afaka nahavita zavatra ny olona? Nefa ireo siantifika, telonjato taona lasa izay, siantifika Frantsay iray no nanakodiadia baolina tamin'ny hafainganam-pandeha iray teo amin'ny tany, ary nanaporofo, tamin'ny alàlan'ny fikarohana siantifika hoe, "Raha olona iray no mba nahavita hafainganam-pandeha mampatahotra telopolo maily isan'ora, dia hanainga azy hiala amin'ny tany ny hery misintona; araka ny lanjany, araka ny lanjan'ilay baolina." Ankehitriny dia mandeha fito arivo sy iray alina maily isan'ora izy, hitanareo, mbola miezaka ny hihanika ihany. Vao avy nahafantatra an'izany izy, vao haingana. Nahoana? Tsy maintsy ho toy izany ilay izy.

¹⁸³ Nahoana, ny fiangonana fahiny dia nijoro teo amin'ilay vatolampin'i Jesosy Kristy. Tsy nampaninona izay nolazain'ny olona, nianona mihitsy niaraka tamin'izany Teny izany izy ireo, ilay hafatry ny ora; Luther, Wesley, sy ny manaraka teo. Fa ankehitriny dia niverina tamin'ireo fombafomba izy ireo. Nahoana ilay izy no nanao an'izany?

¹⁸⁴ Dimy amby roapolo taona lasa, vao nahafantatra i Israely fa ao amin'ny tanindrazany izy ireo ho an'ny zavatra anankiray. Naminaniana fa tsy maintsy hangonina indray izy ireo; Hosea no niteny an'izany. Novakantsika vao haingana teo izany. Hanampy antsika anie Andriamanitra mba hahazo an'izany! Eny àry.

¹⁸⁵ Tamin'izay fotoana izay ihany, dia nahafantatra an'ilay Hazavan'ny hariva ny Ampakarina, nanomboka nahafantatra fotsiny. Ireo pentekotista noana dia nanomboka nahafantatra fa ireo rafi-pandaminana ireo dia tsy nanana an'ireo zavatra izay notadiaviny, niolankolana loatra izy ireo ary nisaraka. Hitanareo, fotoan'ny fahafantarana izao, fahafantarana. Tsy maintsy mahafantatra ianareo.

Nahafantatra izao tontolo izao. Nahafantatra ireo firenena. Nahafantatra ny siansa. Ny devoly dia nahafantatra fa izao no fotoana izay hahafahany mamotika an'ireo vehivavy, mamotika ny fiangonana, mamotika ny olona. Fantany izany.

Ary Andriamanitra dia nahafantatra fa misy vahoaka iray eto an-tany izay Nofidiany mialoha ho amin'ny Fiainana. Fantany fa izao no fotoana handefasana ny Hafany. Efa

Nataony izany. Nahafantatra an'Izany ny olona, ny fotoan'ny Ampakarina no nanao an'ilay Hazavan'ny hariva.

¹⁸⁶ Raha mba nahafantatra ny androny i Sodoma, rehefa nahita an'ireo iraka nidina tany izy, tahaka an'i Billy Graham sy Oral Roberts!

¹⁸⁷ Ankehitriny, olona mpamitaka iray avy any Phoenix no nitsangana fotsiny ka nilaza... nandef a an'ilay ampanahany teo amin'ny—horonam-peo iray, ary nilaza fa izaho dia nilaza teto hoe, izaho “dia tsy maintsy hatao batisa amin’ny Anaran'i Jesosy,” nilaza an’izany aho. Ary avy eo dia hoy izy, “Ankehitriny hitanareo *eto*, *eto* izy dia nilaza...” Rehefa niresaka ny amin'i Afrika aho, hoe izy ireo dia nanao batisa intelo mankaty aloha, sy aoriana. Nilaza izy fa izaho dia nanao hoe, “Tsy misy fahasamihafana izany.” Hitanareo, tsy nandef a ambin'ilay horonam-peo mihitsy izy; io ampanahany io fotsiny, ary notapahany ilay izy.

Fa, tokony ho sazim-pigadrana iray ny manao an’izany. Tena voaaron’ny lalàna tanteraka ireny horonam-peo ireny. Tsy misy olona mahazo mikitika azy ireny. Tsaratsara kokoa aminareo ny tsy mikitika. Ianareo—ianareo—ianareo dia manana ny lalàna manenjika anareo. Fa hanao an’izany ve isika? Tsia. Hoy Izy hoe, “Avelao izy ireo hipetraka tsara.” Andriamanitra no nilaza tamiko an’izay hiseho. Diniho fotsiny, tazóny fotsiny eo amin’izany olona izany ny masonareo. Hitanareo?

¹⁸⁸ Tamin’izay fotoana izay ihany, dia nahalala an'ilay Hazavan'ny hariva ny Ampakarina.

Raha mba nahafantatra ny orany i Sodoma!

¹⁸⁹ Ankehitriny, io olona io ihany no nametraka teo amin'ny horonam-peo, nanao hoe, “Jereo eto, ho anareo vahoaka Pentekotista,” hoy izy, “ary ianareo Batista. Io lehilahy io, mpaminany sandoka, William Branham,” hitanareo, “no niteny fa Oral Roberts sy Billy Graham dia tany Sodoma.” Hitanareo, avy eo dia nanapaka an'ilay horonam-peo; izay ihany, hitanareo.

Tsy hanohy izy hilaza, hoe, “Izy ireo dia iraka ho any Sodoma.” Tsy hoe tany Sodoma, “Teo izy ireo toy ny iraka ho any Sodoma.” Ny olona rehetra dia mahafantatra fa izany no nolazaiko. Alefaso ny horonam-peonareo.

“Na iza na iza hanaisotra na hanampy, dia toy izany koa no hanesorana aminy.” Izany no Tenin’ny Tompo. Mijanona tahaka an’izany Izy.

¹⁹⁰ “Raha mba nahafantatra ny irany i Sodoma, dia ho naharitra izy amin’izao andro izao,” hoy Jesosy, raha mba nahafantatra tahaka ny nahafantaran'i Abrahama izy.

Abrahama dia nahafantatra fa hisy zanaka nampanantenaina iray ho avy. Fa fantany fa tsy maintsy hisy fiovana amin’ny fomba iray, satria efa tena antitra izy, ary

toy izany koa i Saraha. Fa rehefa nahita an'ilay Anankiray Izay afaka nahafantatra ny eritreritr'i Saraha izy, Taoriany, dia fantany ilay ora izay niainany. Hoy izy hoe, "Ry Tompoko, aoka aho hitondra rano kely eto ary hanasa ny Tongotrao." Nihinana tapa-mofo izy ireo. "Avelao aho hangataka Aminao, mijanònà maharitra kely," hitanareo, eto, "ry T-o-m-p-o-k-o," sora-baventy T-o-m-p-o, "Elohim." Fantany fa Andriamanitra no niresaka taminy tao amin'nynofon'olombelona. Fantany ny famantarany, ary notahian'ny Tompo izy.

Tsy nahafantatra ny androny i Sodoma, ary nodorana. Hoy Jesosy hoe, "Tahaka ny tam'in'izany andro izany, dia ho toy izany koa rehefa ny Zanak'Andriamanitra no...na ny Zanak'olona no ho tonga voaseho."

¹⁹¹ Ankehitriny, tsy nahafantatra ny androny ilay fiangonana. Tahaka ny Isiraely, izay noterena hiverina tany Palestina, ho terena hiditra ao amin'ny Fiombonamben'ny Fiangonana Maneran-tany izy. Nahoana? Tsy nahafantatra ny orany izy. "Ry olona, mivoaha avy ao aminy, aza mandray anjara amin'ny fahotany!" Mandosira, ny ainareo, fa raha tsy izany dia ho tratry ny mariky ny bibidia ianareo ka tsy afaka hanao na inona na inona amin'izany.

"Aoka izay maloto mbola hihaloto foana. Aoka izay masina," fa tsy izay ho masina, "masina ankehitriny. Aoka izay masina," tsy zaz-...vehivavy iray mitapa-bolo; tsy mety ho masina izy. Ankehitriny, tena ohatry ny hentitra izany, saingy izany no Soratra. Hoy ny Baiboly hoe, "Mahafa-boninahitra ny lohany izy," ary ny lohany dia ny vadiny. Ny Lohany dia Kristy, noho izany dia mahafa-boninahitra an'i Kristy izy. Ahoana no haha- "afa-boninahitra" azy raha tsy "maloto"? "Aoka izay manana volo tapaka hihazona an'izany. Aoka izy, izay manao sorta hitohy hanao azy ireny. Aoka izay mandà ny Teny hitohy handà an'izany."

"Fa aoka izay masina mbola hihamasina foana. Aoka izay marina mbola hihamarina foana; ilay Tenin'Andriamanitra marina, ilay Zanak'Andriamanitra tonga voaseho. Aoka ho masina foana, ho marina foana!" Mahafantara! Eny, tompoko! Ireo andro tsy ...

Tsy nahafantatra ny androny ilay fiangonana.

¹⁹² Tahaka ny Isiraely, niverina tao amin'ny taniny nampanantenaina, tsy fantany hoe ahoana no niverenany tany. Napetraka ho azy tao fotsiny izy. Nahoana? Ny tafi-pirenena no nametraka azy teo amin'ny toerany.

Ankehitriny hilaza zavatra anankiray aho. Ny tafi-pirenena no nametraka ny Isiraely tao amin'ny tanindrazany; ny tafi-pirenena no hametraka an'ilay fiangonana Maneran-tany; fa ny herin'Andriamanitra kosa no hametraka ny olona ao

amin'ilay Ampakarina. Ireo tafik'izao tontolo izao eto amin'ity, ary ireo herim-pirenena eto amin'itsy, fa ireo tafik'Andriamanitra kosa miakatra. Ny Fanahin'Andriamanitra, izay ny Tenin'Andriamanitra, "Ny Teniko dia Fanahy sy Fiainana," no hametraka an'ilay Ampakarina eo amin'ny Toerany. Satria, hahafantatra ny Toerany ao amin'ny Teny Izy, amin'izay fotoana izay dia ao amin'i Kristy Izy, hametraka Azy eo amin'ny Toerany. Tsy hisy tafi-pirenena hanao an'izany. Fa ny tafi-pirenena no nitarika ny Isirael ho ao amin'ilay tanindrazana; ireo tafi-pirenens'ilay Fiombonamben'ny Fiagonana no hitarika ny rafi-pandaminana rehetra ao anatin'izany; fa ny Herin'Andriamanitra kosa dia hampiakatra ny Ampakarina ao amin'ny Voninahitra, any ivelan'izany.

¹⁹³ Oh, ry olona, mahafantara ny andronareo, araka ny nampitandreman'i Jesosy anareo; ilay famantaran'i Sodoma, sy ireo toeran'ny fiagonana amin'izao andro izao.

¹⁹⁴ Jereo izay Nolazainy fa hiseho amin'izao andro izao. Henoy tsara mihitsy izany. Ilay famantaran'i Sodoma dia hiseho amin'ilay andro; famantarana tahaka an'i Abrahama, tamin'io andro talohan'i Sodoma io, izay nantsoina hivoaka. Ireo zavatra rehetra izay naminaniana ireo, dia hiseho ankehitriny. Diniho ilay andro izay iainanareo. Isika dia efa niresaka foana ny amin'izany sy ny amin'izany.

¹⁹⁵ Ankehitriny dia efa nampanantena Izy ny handefa ny Hazavan-Danitra ho anareo, mba hanamasaka an'ilay Teny Voa izay ho voafafy ho an'izao andro izao. Ilay Voa dia *Ato*. Ilay Voa dia ny Baiboly. Nahoana? Jesosy no niteny an'izany. "Ny Teny dia ilay Voa izay nafafin'ny mpamafy iray."

Ary, ankehitriny, alohan'ny hahazoanareo vokatra iray, tsy mampaninona raha ilay voa no nafafinareo, tsy maintsy misy hazavana hanamasaka an'io voa io, raha tsy izany dia ho lò izy ary tsy hahavita soa; ho levona izy. Fa raha misy voa ao anatin'ilay tany, ilay tany tsara, miaraka amin'ny karazana taramasoandro tsara, dia tsy maintsy masaka izany.

Ary Izy no nampanantena fa amin'ny andro farany, amin'ny andro hariva, dia hivoaka ilay Zanaka hanamasaka an'io Voa io. Voatory ilay Voa. Ilay Zanak'Andriamanitra no manamasaka an'io Voa io, amin'ny alàlan'ny fanamarinana an'Izany, manao Azy hivoaka eo anatrehanareo ary manaporofa marina Izany. Azonareo ve ilay izy? [Hoy ny fiagonana hoe, "Amena."—Mpand.] Mahafantara ny andronareo.

Hamarana aho ankehitriny. Izao no fotoana hamaranana ankehitriny.

¹⁹⁶ Ary ilay Laodikiana manan-karena, nohajambaina, nianatra dia hanala ny Teny eo afovoan'izy ireo. Nanao an'izany ve izy ireo? [Hoy ny fiagonana hoe, "Amena."—Mpand.] Izy no nilaza fa hanao izy ireo.

Tahaka an'ireo mpaminany fahiny izay nirahina hanamarina an'ilay Teny nampanantenaina tamin'ny andron'izy ireo, mba hahatonga an'ireo olona izay voafidy mialoha, tamin'ireo androny, hahita an'Izany. Tahaka an'ilay vehivavy teo amin'ny fantsakana, tahaka an'i Natana, tahaka an'i Bartimeo jamba, tahaka an'i Petera, sy ny sisa tamin'izy ireo izay nahafantatra an'Izany. Izy io Teny io. Ary ny vokatra, "Raha tsy manao an'ireo asa izay nampanantenain'ny Ray fa Hataoko Aho, amin'izay fotoana izay dia aza mino Ahy. Fa raha manao an'ireo asa kosa Aho, na dia tsy mino Ahy aza ianareo, dia minoa an'ireny asa ireny. Izy ireo no miteny aminareo hoe Iza Aho." Azonareo ve izany? Eny àry, aza diso an'ilay andro, izay nirahina. Ireo lehilahy sy vehivavy tamin'ny andro hafa dia nahafantatra an'Izany, ary niditra sy voaaro.

¹⁹⁷ Ry Pentekotista, oh, oadray, nahoana no tsy mahafantatra ny andronareo ianareo? Mahafantara an'ilay andron'ny fotoana hariva. Eto izany, ary eto izany, mba, hanamarina ny fihavian'i Kristy, hanamarina an'izany. Eo amin'ny farany isika. Mahafantara ny andronareo.

¹⁹⁸ Fantatro fa nihazona anareo ela be aho. Amin'ny roa ambin'ny folo marina izao. Saingy, tiako ity Sakafo ity, Ity no Fiainana. Izany Izy. Izany Izy, ho an'ny mpino. Mahafantara ny andro izay iainanareo, sy ny famantaran'ny fotoana.

¹⁹⁹ Jereo hoe aiza ho aiza ny zavatra rehetra: Isirael; aiza ilay fiangonana; aiza ilay ratsy fitondran-tena; aiza no mijoro ilay Ampakarina. Inona no tavela? Ny zavatra manaraka, dia ny fampakarana ny Ampakarina. Mazava ho azy, fa ny fiangonana rehetra dia miandry zavatra lehibe iray. Ny Pentekosta dia manao hoe, "Voninahitra ho an'Andriamanitra! Ho avy ny andro iray izay hanaovan'izy ireo an'ity, ary hanaovan'izy ireo an'itsy." Hitanareo, mpilaza-tena izy ireo. Tena mino izy ireo.

²⁰⁰ Tahaka ny, indray mandeha, hoy i Kaiafa hoe, "Tsy tsara ve raha ho faty ny olona anankiray, dia tsy ho levona ny firenena manontolo?" Mpisoronabe izy, ny Baiboly no nilaza, ny antony nilazany an'izany. Naminany izy, tsy nahafantatra an'izay nolazainy. Fa nahalala an'ilay tena fahamarinan'izany ve izy, hoe izy no nanombo an'ilay tena Andriamanitra izay nolazainy fa izy no mpisoronabe?

Dia toy izany koa, amin'izao andro izao! Miandry izy ireo, any lavitra any ho any, ho an'ny—ny fotoana iray lehibe izay ho avy.

²⁰¹ Nahoana, handeha ao amin'ilay fivorian'ny Business Men hiaraka amin'izy ireo aho. Hoy izy ireo hoe, "Voninahitra ho an'Andriamanitra!" Mitsangana ireo mpitoky teny ireo ary manaitra an'ilay vahoaka be, ka manao hoe, "Hisy fifohazana lehibe iray ho avy. Ho eto ambonin'ny tany ny tånan'ny Tompo!" Ary toy ny ahoana no androsoan'ireo olona, mihazakazaka

tahaka ny... Nefa tsy mahalala fa izany dia eo ambanin'ireo Trompetra ho an'ny Isirael. Nahoana izy ireo no manao an'izany? Dia satria Kristiana mpilaza-tena izy ireo, nefà tsy mahalala. Na dia i Kaifa koa aza dia tsy nahalala an'izay nataony. Ary izy ireo dia tsy nahalala fa nandà an'ilay tena Hafatra izay nirahina ho azy izy ireo. Amena!

²⁰² Ny ampahan'ny Soratra rehetra, dia nandalovantsika isan'andro isan'andro, ary isan-kerinandro, hany ka Fahamarinana tsy azo lavina izany. "Raha tsy afaka mandray an'Izany ilay jamba," hoy Jesosy, "dia avelao izy ireo hipetraka tsara. Raha ny jamba no mitarika ny jamba, dia ho latsaka ao anatin'ny lavaka izy ireo." Tsy fantatro hoe rahoviana, tsy fantatro hoe aiza, saingy fantattro kosa fa ho avy izany.

²⁰³ Fantatrareo, hitako hoe nahoana aho no tsy tian'i Satana hanao an'ity. Omaly, tena tsy salama aho. Tsy nety nahazo Teny avy tamin'ny Tompo aho. Nataoko ny zavatra rehetra izay fantattro hatao, nefà tsy vitako. Ary tamin'ny maraina, rehefa niarina aho... Nihinana katsaka iray aho, omaly, ary toy ny hoe nijanona tao amin'ny vavoniko tao mihitsy ilay izy. Tena narary aho, izaho fotsiny—izaho dia saiky tsy nahazo an'ilay izy fotsiny. Nieritreritra aho hoe, "Inona marina ilay olana? Handeha ho any aho, nefà tsy fantattro izay ho lazaiko. Ary, Tompo, tsy mety mahita Soratra iray akory aza aho ato an-tsaiko, mba ho raisina naoty. Tsy mety mahita zavatra iray aho." Tsy fantattro fotsiny izay hatao.

Avy eo, taorian'ny nanombohan'ilay Hafatra tonga tamiko, dia tsy nijanona niteny tamiko i Satana hoe, "Tena tsy salama ianao. Marary ny lohanao. Marary ianao. Tsy afaka mandeha any ianao. Tsy afaka mitsangana any ianao. Ilay izy dia ho *izao, ho itsy.*"

²⁰⁴ Tsaroako, indray mandeha, ny tantaran'ny teratany kely iray tany Angletera. Lehilahy iray tsotra fotsiny izy. Ary nilaza izy ireo fa ilay—ilay—ilay mpanjaka, iray tamin'ireo mpanjaka tamin'ny andro fahiny dia niditra tao amin'ny—ny lapany. Ary, io, tsy nisy olona... Nanana hafatra iray izay tsy maintsy nampitaina izy, hafatra hamehana iray, nohon'ny fahavaloo. Ary noho izany izy—izy—izy dia nilaza tamin'io lehilahy kely nitsangana teo io, hoy izy hoe, "Avia, raiso ity hafatra ity, raiso ity hafatra ity! Mandehana haingana any amin'*izao—izao* toerana *izao*, ary didio *ity* mba ho vita." Dia hoy izy hoe, "Ento eny an-tànanao ny tehiko. Izany no hanamarina anao, fa izaho no... ianao dia nirahina avy tamiko."

²⁰⁵ Dia nasisiny tao ambanin'ny akanjony izany, ary lasa izy nandeha. Nanakana azy hatraiza hatraiza ireo mpiambina, ny olon-kafa. Nivazavaza izy hoe, "Mialà! Manana ny hafatry ny mpanjaka aho." Amena. "Izaho no iraky ny mpanjaka," ny teny voamarina.

²⁰⁶ Nieritreritra aho hoe, “Satana, mialà amin’ny lèlako! Manana ny Hafatry ny Mpanjaka aho. Tsy maintsy mandeha aho.”

²⁰⁷ Indray mandeha izy ireo rehefa namono an’ilay Andrianan’ny Fiadanana, ka nametraka Azy tao am-pasana, ary nanisy tombokase an’ilay fasana, dia nihazona Azy nandritry ny telo andro sy alina ny fahafatesana. Fa tamin’ny marainan’ny Paska dia nanana an’ilay tehina Izy teny an-Tànany, ary niantsoantso hoe, “Mialà, ry fahafatesana! Mialà, ry fasana! Misokafa! Izaho no Hafatry ny Mpanjaka. Tsy maintsy mivoaka Aho mba hanaporofo an’izao fitsanganana izao. Izaho no fananganana sy Fiainana.” Haleloia! Mahatsapa ho tena tsara aho ankehitriny.

Izany no Hafatry ny Mpanjaka. Aoka ho fantatsika Izany, ry sakaiza, satria isika dia nantsoina mba hiaraka hiangona ho an’ilay fitsofana ny Trompetra. “Fa ho tsofina ny Trompetran’ny Tompo, avy eo dia tsy hisy andro intsony.”

²⁰⁸ Nanangona ny Isiraelly Izy. Ireo telo andro, tamin’ny andro fahatelo no Nilazany fa Hanaovany an’izany. Fitonjato sy roa arivo taona izay no lasa. Tamin’io andro fahatelo io no Nilazany fa hanangona azy ireo miaraka Izy, ary Nataony izany. Nilaza Izy fa Izy no hampahafantatra ny lèlàn’ny Fiainana. Eo ianareo izao, miandry fotsiny an’ilay Ampakarina hivoaka amin’ilay lèlana ankehitriny mba hahafahan’izy ireo ho tonga, ireo mpaminany anankiroa, mpaminany Hebreo, izay hahafantatra.

²⁰⁹ Tsaroanareo aho fa nitsangana tany Le Caire, mba handeha tany, rehefa nilaza i Lewi Petrus hoe, “Rahalahy Branham, raha mba hitan’izy ireo fotsiny izany... Mino ny mpaminaniny izy ireo.”

²¹⁰ Hoy aho hoe, “Zavatra tsara iray ho ahy izany.” Hitanareo ve hoe ahoana ny olona? Fa hitanareo kosa ve ny fahasoavan’Andriamanitra? Hoy aho hoe, “Ho vakiako ity Testamenta Vaovao ity.” Namaky an’Izany izy ireo. Lewi dia nandefa ho azy ireo, mihoatra ny iray tapitrisa, tany, Rahalahy Lewi Petrus avy any Suède. Novakian’izy ireo Izany, nandeha nandroso-sy-niverina tany, ireo Jiosy ireo; tsy tahaka an’io andiana Jiosy moderina io, fa ny tao an-tanindrazany. Ary tonga, hoy izy hoe, “Raha io no Mesia, dia aoka izahay hahita azy hanao ny famantaran’ny mpaminany, dia hino an’izany izahay.”

²¹¹ Hoy i Lewi Petrus hoe, “Rahalahy Branham, izao no fanararaotra. Izao no fanararaotra. Olona iray no niteny tamiko an’izany, fa ho fanararaotra iray izany. Nandeha avy hatrany aho, nidina tany avy hatrany mihitsy.”

Tonga ny lehilahy iray ary nipetraka teo, Rahalahy Arganbright, nanao hoe, “Rahalahy Branham, hanaitra ny

Isirael mihitsy izany! Ento eo anatrehan'izany izy ireo, ary aseho ny famantaran'ny mpaminany. Hino an'izany izy ireo."

²¹² Hoy aho hoe, "Tompo, inty aho, vonona." Niakatra tao amin'ilay fiaramanidina aho; naka vola ary nividy ny tapakilako; nijanona tao Le Caire. Hoy aho, "Hia, vonona aho."

²¹³ Hoy ny Fanahy Masina hoe, "Tsy toeranao io. Tsy fotoanao io." Hitanareo, mandroso amin'ny alalan'ny tenanareo ianareo. Nieritreritra aho hoe, "Oh, oadray! Efa tonga hatreto aho; izaho—izaho dia handeha."

²¹⁴ Nisy Zavatra nanao hoe, "Mijanòna eto! Aza mandeha any amin'izany lâlana izany. Mihodîna mankany Inde. Aza mandeha any. Mandehana mankany Inde, fa aza mandeha eto ianao."

²¹⁵ Nieritreritra aho, "Nahoana?" Rehefa nandeha tao ambadik'ilay tranoheva aho, dia hoy aho hoe, "Tompo Jesosy, inona no dikan'izao?"

Avy eo dia nampahafantatra ahy Izy. "Tsy Jentilisa. Ireo mpaminany ireo no izy." Tsy maintsy araka ny Soratra izany. "Mosesy sy Elia no tsy maintsy ho avy." Ary, ankoatr'izay, dia mbola tsy nesorina tamin'ny lâlana ny Ampakarina. "Ary ireo mpaminany ireo no hiverina ary izy ireo no hanao ny famantaran'ny mpaminany." Izany no Soratra. Amin'izay fotoana izay vao tanteraka izany rehetra izany, tanteraka, Isirael amin'ny maha-firenena iray dia hateraka ao anatin'ny iray andro. Amena! Mamiratra ireo Hazavan'ny hariva!

Hisy Mazava amin'ny andro hariva,
Ny lâlân'ny Voninahitra dia azo antoka fa ho hitanareo;
Ao amin'ny lâlân'ny rano, no Hazavana amin'izao andro izao,
Nalevina tao amin'ny Anarana sarobidin'i Jesosy.
Tanora sy antitra, ibebaho ny otanareo rehetra,
Ny Fanahy Masina dia azo antoka fa hiditra;
Tonga ireo Hazavan'ny hariva,
Zava-misy ny maha-Iray an'Andriamanitra sy Kristy.

²¹⁶ Ao amin'ny andro farany isika izao, ry sakaiza. Ary avy eo isika dia mieritreritra an'ity hiran'ny mpanoratra voatsindrimandry ity, rehefa nilaza izy hoe:

Rava ireo firenena, (teo amin'ny dimy ambin'ny folo taona lasa teo izany), mifoha Isirael,
Ireo famantarana izay nolazain'ireo mpaminany mialoha;
Voaisa ny andron'ny Jentilisa, (jereo ny lotony ankehitriny) miaraka amin'ny tahotra mandrakotra;
Miverena, O ry niely, amin'ny anareo manokana.

Akaiky ny andro fanavotana,
 Resin-tahotra ny fon'ny olona;
 Aoka ho fenoina ny Fanahin'Andriamanitra,
 ataovy madio sy mazava ny fanilonareo,
 Miandrindrà, akaiky ny fanavotana anareo.
 (Marina izany.)

Mandainga ireo mpaminany sandoka, mandà
 ny Fahamarinan'Andriamanitra izy ireo, (tsy
 marina ve izany!)
 Jesosy ilay Kristy no Andriamanintsika.

Tsy mino an'Izany izy ireo. Manana an'ireo karazana isma
 rehetra sy ny sisa izy ireo! . . . ? . . . marina. Fa ilay mpaminany no
 nilaza . . . Na, ilay mpanoratra voatsindrimandry no nilaza hoe:

Hamindra eo amin'izay nitsahan'ireo apostoly
 isika.

²¹⁷ Tsaroanareo ve ny tao amin'ny fahitako? Hoy aho hoe, “Raha miditra ireo olon'i Paoly, dia hiditra koa ny ahy, satria nanao tanteraka mihitsy an'izay nataony aho.” Mijanona tsara miaraka amin’Izany aho.

Ireo an-tapitrисаны ireo dia nanangana ny tànany, nanao hoe,
 “Eo amin’izany no itsaharanay!”

Inona? Mahafantara ny andro izay iainantsika, ny fotoana izay iainantsika, ny famantaran'ny fotoana izay iainantsika. Mety ho efa tara noho ny fiheverantsika azy izao. Indray andro any, aoka izay any ivelany mbola hijanona any ivelany foana. Izay ao anatiny dia tsy maintsy mbola ho ao anatiny foana mandrakizay. Hikatona ny varavarana.

²¹⁸ Raha misy eto izao maraina izao izay tsy mbola niditra mihitsy, oh, amin'ny Anaran'i Jesosy, ry vahoaka malalako . . .

Aza mijery an'ity mpanompo tsy mahay izay mitsangana eto ity, tsy mahay mamaky teny sy manoratra, tsy nianatra, tsy nampianarina; aza mijery an'izany. Fa jereo ny Teny izay efa voaporofa. Jereo ilay Fanahy Masina lehibe Izay manamarina an’Izany ho ny Fahamarinana. Ao amin'ny andro hariva isika izao. Tena tara noho ny fiheveranareo azy izao. Aza . . .

²¹⁹ Ry vehivavy, avelao haniry ny volonareo. Ranabavy, azafady mba esory ireny akanjo maloto ireny. Ario ireny sigara ireny. Fa ho tonga ilay ora, hoe, “Izay maloto, aoka izy mbola hihaloto foana; ary izay marina, aoka izy mbola hihamarina foana. Izay ao anatiny dia ao anatiny; izay any ivelany dia any ivelany.” Ilay ambiny kely, farany hoe, “Raha saiky tsy voavonjy ny marina, ho aiza ireo mpanota sy tsy masina,” ilay mpandà ny Fahamarinana, fantatrareo, “aiza izy ireo no hiseho?”

Ndao isika hanondrika ny lohantsika.

²²⁰ Ankehitriny, ao amin'ny Hazavan'ity ora izay iainantsika ankehitriny ity, ny Hazavan'ny andro izay iainantsika

ankehitriny; ry sarobidy sy malala, ianareo izay avy any amin'ny fanjakana samihafa manerana ny firenena, ndao isika ankehitriny, ary izaho miaraka aminareo, eto amin'ity alitara ity, ndao isika hanao jery todika. Manao ahoana ilay Fanahin'Andriamanitra ao am-pontsika androany? Tsarovy, fa izany dia ilay Fanahy, tsy voaheloka, tsy voampentina; ny fampianaram-piangonana rehetra, sy ny sisa, dia lasa tanteraka.

²²¹ Tsy ho sahy mihitsy ianareo ny, hanandrana hanamphy amin'Izany na hanaisotra amin'Izany. Satria, raha toa ka manandrana mametraka ny fandikana eo amin'Izany ianareo, ny tenanareo, dia esorina ao amin'ny Bokin'ny Fiaianana ny anjaranareo. Manandrana milaza zavatra izay tsy nolazain'ny Fanahy ve ianareo? Manandrana ve ianareo ny manao Azy toy ny hoe nilaza zavatra anankiray Izany? Sa, raisinareo marina fotsiny araka izay Nolazainy Izany, ka hamela Azy tahaka an'izany? Manao fanohizana ve ianareo, fanapahana, fandraisam-peo, manao zavatra izay tsy tsara? Nanao ve ianareo?

²²² Hoy ianareo, “Eny, izaho dia tsy nahatsapa fotsiny fa izaho dia tokony hanao an'ity. Na, angamba, izaho—izaho—izaho dia mahafantatra fa ny fiangonako dia tsy mino an'Izany. ‘Izany dia tenin’ny lehilahy anankiray fotsiny mikasika an'Izany’”

Io Lehilahy anankiray io dia Andriamanitra. Ny Baiboly eto dia milaza fa tsy tokony hanapaka ny volonareo ianareo. Ireo... Ny Baiboly no nilaza an'izany. “Izao no hiseho fa ireo vehivavy dia hanao fitafiana tahaka ny lehilahy, ary dia ho fahavetavetana iray amin'Andriamanitra izy ireo.” Ahoana no nireshan'ny Fanahy Masina tamin'ny alàlan'izany, io vazy manetry tena, tsy mendrika io izay sendra nitsangana nanatrika tao amin'ny taona izay nilazan'ilay Mpanjaka lehibe hoe, “Inty ny Fasako, ny Teniko.” (“Inty ny Tehiko,” raha ny marina.) “Raiso ny Tehiko, ary mandrosoa, ka ento ny Hafatra.”

²²³ Fantatro fa ireo anaram-piangonana dia niezaka nanakana an'Izany, sy namoaka an'Izany, sy nandroaka an'Izany, ary nandaka an'Izany, sy ny sisa. Fa, noho ny fahasoavan'Andriamanitra, dia eo amin'ny lâlako aho, miantsoantso mitety firenena, mitety toerana, mitety fiangonana hoe, “Mivoaha avy ao amin'izany!” Tsy malaza Izany, saingy Izany no Fahamarinana.

²²⁴ Handray Azy ve ianareo ao amin'ilay—ao amin'ilay—ilay Fanahy izay nanoratana Azy? Handray Azy ve ianareo ao amin'ilay Fanahy izay nanomezana Azy? Raha tsy mbola nandray ianareo... Tsy manana efitra ho an'ny alitara iray isika; ny fonareo no alitara. Hanangana ny tânaranareo ve ianareo, hanao hoe, “Andriamanitra, mamindrà fo amiko. Aoka ny Fanahin'Andriamanitra hiditra ato amiko, hanameloka ahy ankehitriny noho ny otako rehetra, sy ireo

fahadisoam-panantenana, ireo fahazaran-dratsiko rehetra, sy ireo fahatezerana avo, sy ireo fifamaliana, sy ireo ady, ireo fahasorenana, ary ny zavatra rehetra izay ananako. Ary mahafantatra zavatra iray aho, hoe ny fanahiko dia tsy malemy ho an'ny Lanitra. Ataovy malemy aho, Tompo, ao amin'izao fotoana farany izao. Ity no mety ho toriteny farany mba ho renesiko. Ity no mety ho fotoana farany mba handrenesako ny Hafatra. Atsangako ny tānako. Andriamanitra, mamindrà fo amiko.”

²²⁵ Andriamanitra hitahy anareo. Tānana roa ambin’ny folo. Ankehitriny, ho an’ny fotoana iray an’ny vavaka mangina ho anareo fotsiny. Ianareo izay manangana ny tānanareo, izany no maneho fa mbola liana ianareo. Ho ahy dia toy ny mbola miantsso olona foana ny Fanahy.

²²⁶ Andriamanitra malala, Ianao Izay mahafantatra ny zavatra rehetra. Ary Ianao no nanao ny zavatra rehetra ho an’ny tanjon’ny zavatra rehetra, satria, tsy maintsy ho voaheloka ny sasany, tsy maintsy hohajambaina ny sasany; ny sasany, “tahaka an’ilay mpanefy izay nanao ny vazy,” araka ny nolazain’i Paoly hoe, “ny anankiray homem-boninahitra ary ilay hafa halaim-baraka.” Ilay anankiray izay natao halaim-baraka, dia mba hanehoana fotsiny an’ilay anankiray izay tsy maintsy homem-boninahitra. Fa tsy eo an-tānān’ilay Mpanefy ve ny hanao an’izay Sitrany? Tsy ao anatin’ny drafitr’Andriamanitra voafidy mialoha ve izany, ny hiantso? “Izay efa Fantany mialoha, no Nantsoiny. Ireo Izay Nantsoiny, no Nohamarininny. Ary ireo izay Nohamarininny, no Nomeny voninahitra.”

²²⁷ Angamba ny sasany amin’izy ireo eto androany dia tahaka an’ilay vehivavy teo amin’ny fantsakana, tao anatin’ny loto, tao anatin’ny tsi-finoana, tao anatin’ireo fombafomban’olona, fampianarana nataon’olona. Angamba izao no fotoana voalohany mba nandrenesan’izy ireo an’ireo zavatra ireo, saingy zavatra anankiray tsy mahazatra no nampitandrina ny fon’izy ireo. Misy maro, maro ny tānana izay mitsangana, Tompo. Aoka ilay Mpanefy lehibe no haka an’io vazy io ankehitriny ary handasitra azy ho vazin’ny voninahitra. Izaho dia mino fa misy ny antony iray, Tompo, raha tsy izany dia tsy hanao an’izany izy ireo, tsy hilaza an’izany izy ireo. Mbola mino foana aho, mihazona ho azy ireo aho.

²²⁸ Avelao ity Mpanomponao manetry tena ity hiangavy, Tompo. Avelao izahay hiangavy ho azy ireo, ho toy ny anankiray izay mitsangana eo anelanelan’ny velona sy ny maty; tahaka an’ilay anankiray tany Sodoma izay niangavy ho an’ireo Sodomita hoe, “Mivoaha avy ao amin’io! Mivoaha avy ao amin’io, haingana!”

²²⁹ Enga anie izy ireo hanatona, Tompo, am-panetre-tena sy am-pahalemem-panahy eo amin’ny sezà fiandrianan’Andriamanitra ankehitriny, ao anatin’ny fony, hanao hoe, “Jesosy, manomboka

amin'ity andro ity, manomboka izao, dia ho ahy Ianao. Manao an'izao fiangaviana izao Aminao aho eto ankehitriny, raha mipetraka eto amin'ity sezza ity aho izay nandonan'ny Fanahinao ahy. Raha nandona ahy teto Izany, dia tsy mila mandeha lavitra ankoatry ny eto mihitsy aho. Teto mihitsy no Nihaonanao tamiko; eto mihitsy no handaminanay an'izany; eto amin'ity sezza faharoa ity mihitsy, sezza fahatelo, sezza fahadimy, na inona ilay izy na inona. Eto mihitsy no tsy maintsy hilaminan'izany, satria teto no Nanamelohanao ahy, ary eto no Nampanantenainao hanitsiana an'izany. Satria na dia naloto sy feno loto aza aho, dia ho tonga tahaka ny oram-panala aho. Hino ny Teninao rehetra aho. Vonona ny hiditra ao amin'Izany aho, hino an'Izany, hanaiky an'Izany.

"Ary manao an'izao aho ankehitriny ho an'ny voninahitr'Andriamanitra, eo am-pahafantarana fa ny fiainako dia tsy tsara amiko, tsy tsara izany amin'Andriamanitra, tsy tsara izany amin'ireo mpiara-monina amiko, tsy tsara izany ho an'ny zavatra hafa; fa tsara fotsiny amin'ilay devoly, mba hanao ahy ho-ho saribakoly iray, mba hametraka ahy eny rehetra eny, angamba ho lasa kilalaon'ny lehilahy iray izay mijery, angamba ho sampin'ny vehivavy iray. Andriamanitra, amboary aho ho mpanompo iray ho Anao." Ekeo izany, Tompo. Apetrako Aminao izy ireo ankehitriny, amin'ny Anaran'i Jesosy Kristy, Zanakao.

Miaraka amin'ny lohantsika miondrika, sy ny fontsika.

Reko ny Mpamonjiko . . .

Am-pahatsorana, ry sakaiza. Izao no mety ho fotoanareo farany. Afaka mandre an'ilay Feo kely ve ianareo?

. . . antso,
Afaka aho . . .

Inona no Antsoiny . . . Inona no miantsa anareo, raha ny Mpamonjinareo no miantsa? Ny Teny.

. . . antson'ny Mpamonjiko,

Inona no tsy maintsy ataonareo? Mandà an'izao tontolo izao.

Ka handray ny hazo fijialiako ary hanaraka,
hanaraka . . .

"Tsy noraharahiako ny batisa amin'ny Anaran'i Jesosy, Tompo."

Handeha aho hiaraka Aminy ao amin'ilay saha,
Handeha aho . . .

Hiaraka Aminy, aiza? Ao amin'ilay rano, ao amin'ilay saha, na aiza na aiza; ao amin'ny trano fivavahana, ao anatin'ny dobo, na aiza na aiza. Manapaha hevitra amin'izany!

. . . handeha hiaraka Aminy ao amin'ilay saha,
Handeha hiaraka Aminy aho, hiaraka Aminy
hatramin'ny farany.

Handeha hiaraka Aminy aho ao amin'ilay
fitsarana, (na ny Teny no marina na ny
fiangonana no marina),
Izaho dia . . .

"Na izaho no marina, na Izy no marina. Ny eritreritro ve no
marina, sa ny Teniny no marina?" Ao amin'ny toeram-pitsarana
ianareo ankehitriny. "Inona no ninoako, marina ve ilay izy,
sa ny Teniny no marina? Mihevitra ve aho fa mety tsara ny
manana volo fohy, manao sorta? Mihevitra ve aho fa mety tsara
ny mikambana amin'ny anaram-piangonana iray?" Inona no
Nolazainy?

Handeha hiaraka Aminy aho, hiaraka Aminy
hatramin'ny farany.

Ankehitriny na aiza Itarihany ahy dia hanaraka
aho,

Izaho dia manangana ny tànako, ihany koa, Tompo. Tompo,
na aiza na aiza izany, aiza no tokony ho voatery ny Hafatra
manaraka? Eto ve izany, rahariva, any Afrika, Alemaina, Soisa?
Aiza ilay izy, Tompo?

Na aiza Izy . . . (na aiza na aiza Itarihanao,
Tompo) . . . ahy dia hanaraka aho,
Handeha hiaraka Aminy aho, hiaraka Aminy
hatramin'ny farany.

Ankehitriny miaraka amin'ny lohanareo miondrika.

²³⁰ Handeha hiaraka Aminy ve ianareo na aiza na aiza Itarihany
anareo? Handeha hiaraka Aminy ve ianareo rehefa miha-ratsy
ireo fotoana, manenjika ireo olona, mihomehy, maneso? "Mbola
hiaraka Aminy foana aho. Handeha foana aho. Hanohy hiaraka
Aminao mihitsy aho, Tompo, na aiza na aiza misy Anao. Hijoro
mahatoky sy marina foana aho. Ao anatin'ny hafanan'ny ady,
dia mbola hijoro mahatoky sy marina foana aho. Raha lavo aho,
dia Ianao no hanarina ahy indray, Tompo. 'Izay mahafoy ny ainy
noho ny Amiko no hahita azy."

Noho izany dia handeha hiaraka Aminy aho,
hiaraka Aminy hatramin'ny . . .

²³¹ Ankehitriny izay rehetra te-hilaza an'izany, avy ao amin'ny
fonareo, dia ndao isika hanangana ny tànantsika ankehitriny, sy
ny fontsika, ho Azy.

Izaho . . . Na aiza Itarihany ahy dia hanaraka aho,
Na aiza Itarihany ahy dia hanaraka aho,
Na aiza Itarihany ahy dia hanaraka aho,
Handeha hiaraka Aminy aho, hiaraka Aminy
hatramin'ny farany.

Hanome fahasoavana ahy sy voninahitra Izy,
Hanome ahy Izy . . .

Tompo Jesosy, tsofy ny eto ambonin'ireto mosara ireto ankehitriny. Sitrano ireto marary sy ory ireto, Tompo. Ekeo izany, Tompo. Omeo fahasitranana izy ireo, Tompo, amin'ny Anaran'i Jesosy.

Ary handeha hiaraka amiko, hiaraka amiko
hatramin'ny farany.

²³² Mahatsapa ho tsara ve ianareo ankehitriny? [Hoy ny fiangonana hoe, "Amena."—Mpand.] Tsapanareo ve fa vonona ny rehetra ankehitriny? ["Amena."] Raha Izy . . .

Ho tsofina ny Trompetran'ny Tompo, ka tsy hisy
andro intsony, (izany ilay Trompetra farany,
ankehitriny)

Ary rehefa miposaka ilay maraina Mandrakizay,
mamiratra sy mahafinaritra.

Ndao isika hihira an'izany, isika rehetra ankehitriny.
"Rehefa ho tsofina ny Trompetran'ny Tompo." Omeo anay ny naoty.

Rehefa ho tsofina ny Trompetran'ny Tompo, ka tsy
hisy andro intsony,

Ary hiposaka ilay maraina Mandrakizay,
mamiratra sy mahafinaritra;

Rehefa hiangona ery am-pitan'ilay morona hafa
ny voavonjy avy eto an-tany,

Rehefa antsoina any ilay horonana, dia ho any aho.

Rehefa antsoina any ilay horonana,

Rehefa antsoina any ilay horonana,

Rehefa antsoina any ilay horonana,

Rehefa antsoina any ilay horonana, dia ho any aho.

Amin'ilay maraina mamiratra sy tsy misy rahona
rehefa hitsangana ny maty ao amin'i Kristy,

Ka hizara ny voninahity ny Fitsanganany;

Rehefa mifarana ny fiainana rehetra amin'izay
fotoana izay, ka vita ny asantsika eto an-tany,

Ary antsoina any ilay horonana, dia ho any aho.

Rehefa antsoina any ilay horonana,

Rehefa antsoina any ilay horonana,

Rehefa antsoina any ilay horonana,

Rehefa antsoina any ilay horonana, dia ho any aho.

²³³ Ndao isika hanangana ny tànantsika, hanao hoe, "Noho ny Fahasoavanao, Tompo." Noho ny Fahasoavanao, Tompo! [Hoy ny fiangonana hoe, "Noho ny Fahasoavanao, Tompo."—Mpand.]

Ankehitriny, dia mpirahalahy sy mpirahavavy ao amin'i Kristy isika. Ndao isika hitodika mihitsy ka raiso fotsiny ny

tànan'ny olona eo akaikinareo, ary manaova hoe, “Noho ny fanampian’Andriamanitra, rehefa antsoina any ilay horonana!”

Rehefa antsoina any ilay horonana,
Rehefa antsoina any ilay horonana,
Rehefa antsoina any ilay horonana,
Rehefa antsoina any ilay horonana, dia ho any aho.

Inona no andrasantsika?

Rehefa ilay Trompetra (ilay iray farany) . . . ny
Tompo no hotsofina, ka tsy hisy andro . . .
(Hiditra ao amin’ny Mandrakizay, “Ao anatin’ny fotoana fohy, ao anatin’ny indray mipy-maso.”) . . . sy mahafinaritra;
Ary amin’izay fotoana izay rehefa hiangona ery amin’ilay morona hafa ny voavonjy avy eto antany,
Rehefa antsoina any ilay horonana, dia ho any aho.

Ndao isika hihira an’izany fotsiny!

Rehefa antsoina any ilay horonana,
Rehefa antsoina any ilay horonana,
Rehefa antsoina any ilay horonana,
Rehefa antsoina any ilay horonana, dia ho any aho.

²³⁴ Oh, tsy ho fotoana iray ve izany! Mamindra fotsiny, indray andro any, ary indro miseho ny olona iray. “Iza io? Neny!” Amena! “Tsy ho ela intsony izany ankehitriny.” Ao anatin’ny minitra vitsy fotsiny, dia hovaina ianareo. Ary isika dia ho . . . hihona amin’izy ireo, avy eo dia hakarina miaraka amin’izy ireo, mba hitsena ny Tompo eny amin’ny habakabaka. Oh, ao anatin’ny fotoana fohy, ao anatin’ny indray mipy-maso. Hoy ianareo, “Inty i Rahalahy Seward, ilay rahalahy antitra izay teto amin’ity fiangonana ity taloha! Nahoana, inty i Rahalahy DeArk. Inty i Rahalahy *Izao-* . . . Nahoana, jereo eto, manodidina ahys izy rehetra ireo! Inona ny olana? Eto ao anatin’ny minitra vitsy fotsiny . . . Fantatro fa niseho tamiko izy ireo. Tsy ho ela intsony izany ankehitriny. Hovaina aho ankehitriny, ao anatin’ny fotoana fohy fotsiny, fotoana fohy fotsiny.” Oh, eny! Ary miposaka ilay maraina Mandrakizay, mamiratra sy mahafinaritra. Ireo rahona mahagaga rehetra . . .

²³⁵ Araka ny Nolazainy hoe, “Ry Isirael, ianao dia tahaka ny rahon’ny maraina, entona, ary ny fahamarinanao dia miha-malazo.” Ary rehefa izany rehetra izany no nalazo tao amin’ilay Hazavan’ny Zanaka Izay mihazona azy rehetra, amena, amin’izay fotoana izay dia, “Antsoina any ilay horonana, dia ho any aho.” Eny àry.

Mandra-pahatongan’ny rahariva:

Mandra-pihaonantsika! Mandra-pihaonantsika!

Tsy fantatsika hoe amin'ny fotoana inona izany no hiseho, ry sakaiza. Efa tantara izany, efa ela, saingy izany no Fahamarinana, ary hitranga izany. Ao amin'ilay fotoana mihitsy isika ankehitriny.

Mandra—mandra-pihaonantsika, mandra . . .

Noho ny fahasoavan'Andriamanitra, manantena isika, amin'ny fito sy sasany rahariva.

Homba anao anie Andriamanitra mandra-pihaonantsika indray.

Ndao isika hitsangana ankehitriny.

²³⁶ Oh, tsy mahafinaritra ve izany? “Izao no toeran-Danitra ao amin'i Kristy Jesosy.” Tsy hatakaloko na inona na inona izao. Fantatrareo hoe toy ny ahoana ny fitiavako manjono sy toy ny ahoana ny fitiavako mihaza, satria mahita an'Andriamanitra aho any an-efitra any. Tiako izany. Saingy, oh, tsy hanova ny iray minitra an'izao aho, ho an'ireo fahatsapana rehetra an-jatony taona. Iray minitra amin'izao, dia fahafaham-po izany!

²³⁷ Andriamanitra, no namorona fifohazana iray tato anatiko. Avelao aho ho fifohazana. Aoka ny tsirairay avy amintsika ho fifohazana, fifohazana ao anatiko. Ataovy aho, Tompo, ho noana, ataovy aho hangetaheta. Forony ao anatiko, Tompo, izay ilaina ao anatiko. Avelao aho, manomboka amin'ity ora ity, ho Anao; mpanompo voatokana hatrany, mpanompo iray tsaratsara kokoa, Voatahinao hatrany; mahavita hatrany, manetry tena kokoa hatrany, tsara fanahy kokoa hatrany, hanaiky ny hiasa hatrany; hijery hatrany an'ireo zavatra izay mety, ary hanadino an'ireo zavatra izay tany amin'ny lasa, sy ireo tsy nety. Avelao aho hanohy mankany amin'ilay mariky ny antso avy any ambony an'i Kristy. Amena.

Izany no faniriantsika, sa tsy izany? [Hoy ny fiangonana hoe, “Amena.”—Mpand.]

Eny àry, ndao isika, mandra-pihaonantsika rahariva, ndao isika handray ny Anaran'i Jesosy eo amintsika ankehitriny, ny tsirairay avy aminareo ankehitriny.

Raiso—raiso eo aminao ny Anaran'i Jesosy,
Ry zanaky ny alahelo sy fahoriane;
Fifaliana sy fiononana no homeny anao,
Raiso izany n'aiza n'aiza alehanao.

Anarana sarobidy, O tena mamy!
Fanantenan'ny tany sy fifalian'ny Lanitra;
Anarana sarobidy, O tena mamy!
Fanantenan'ny tany sy fifalian'ny Lanitra.

Ankehitriny dia ndao isika hanondrika ny lohantsika.

Raiso eo aminao ny Anaran'i Jesosy,
Ho ampinga amin'ny fandrika rehetra;
Rehefa miangona manodidina anao ireo fakam-
panahy . . .



MAHAFANTATRA NY ANDRONAREO SY NY HAFANY MAG64-0726M
(Recognizing Your Day And Its Message)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 26 Jolay, 1964, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org